

*აჭარის ავტონომიური რესპუბლიკის მთავრობის
საქვეუწყებო დაწესებულება-საარქივო სამმართველო*

*Sub-department of Ajara Autonomous Republic Government-
Archives Administration*

ISSN 2233-3541

ა რ ქ ე ი ო ნ ი

A R C H E I O N

XII

თბილისი 2016 Tbilisi

სარედაქციო საბჭოს თავმჯდომარე: მაია ივანიშვილი

რედაქტორი: თამაზ ფუტკარაძე

სარედაქციო საბჭო:

თეონა იაშვილი (თბილისი), ნარგიზ ბასილაძე, თენგიზ სალუქვაძე, ელგუჯა გოგიბერიძე, ელგუჯა ჩაგანავა, მაია რურუა, ნატო კიკავა, ფრიდონ ქარდავა, ოთარ გოგოლიშვილი (ბათუმი), მერაბ კეზევაძე (ქუთაისი)

Maia Ivanishvili– chairman of editorial board

Tamaz Putkaradze - editor

Editorial Board:

Teona Iashvili (Tbilisi), Nargiz Basiladze, Tengiz Salukvadze, Elguja Gogiberidze, Elguja Chaganava, Maia Rurua, Nato Kikava, Fridon Kardava, Otar Gogolishvili (Batumi), Merab Kezevadze (Kutaisi).

კრებულში გამოთქმული მოსაზრებები ეკუთვნით ავტორებს და შესაძლოა არ ასახავდეს სარედაქციო საბჭოს შეხედულებებს.

ავტორების სტილი დაცულია.

Any opinion expressed in the book belongs to the author and may not reflect the view of the editorial board.

Authors' style is retained.

აჭარის საარქივო სამმართველო, ტელეფონი: 27 52 10

ვებ გვერდი: <http://adjara.gov.ge/branches/default.aspx?gid=2>

გამომცემლობა „უნივერსალი“, 2016

თბილისი, 0179, ი. ჭავჭავაძის გამზ. 19, ☎: 2 22 36 09, 5(99) 17 22 30

E-mail: universal@internet.ge

**თავადაზნაურთა განგში ღაბირავებული მამულები ქალაქ ბათუმში
(საქართველოს დემოკრატიის მიერ ოსმალეთისადმი 1918 წლის 8 ივნისს
წარღებული ნუსხა)**

1914 წლის 28 ივლისს დაწყებულმა მსოფლიო ომმა ბათუმი მძიმე ეკონომიკურ მდგომარეობაში ჩააგდო. საომარი, ფრონტისპირა მდგომარეობიდან გამომდინარე, დაიხურა ბევრი საწარმო, მალე თურქეთის ომში ჩამბის შემდეგ, მთლინად შეწყდა საზღვაო-სავაჭრო ურთიერთობები მეზობელ ქვეყნებთან, როგორც ვიციტ, ომის საწყის ეტაპზე რუსეთის არმიამ განიცადა წაუმატებლობა, რის შედეგადაც მტერი ქ. ბათუმის მისადგომებს მიუახლოვდა.

1915 წლის თებერვლის შემდეგ მდგომარეობა არსებითად შეიცვალა 1916 წლის თებერვალში დაეცა ერზერუმი, აპრილში კი რუსებმა აიღეს ტრაპიზონი. 1916 წლის ზაფხულში დაიწყო ბათუმ-ტრაპიზონის რკინიგზის მშენებლობა.

ბათუმი ცხოვრობდა ფრონტისპირა ქალაქისათვის დამახასიათებელი წესით, რაც თავისთავად ქმნიდა მრავალ სირთულეს. იკლო ბათუმის შემოსავლებმა, რაც მეტწილად საწარმოთა დახურვასა და საექსპერტო საქონლის ექსპორტ-იმპორტის შეწყვეტასთან იყო დაკავშირებული. შეიძლება ითქვას, რომ ქალაქში ეკონომიური კრიზისი იყო.

1918 წლის 3 მარტს ბრესტ-ლიტოვსკში საბჭოთა რუსეთსა და გერმანიის ბლოკ სახელმწიფოთა შორის ხელი მოეწერა სამშვიდობო საზავო ხელშეკრულებას, რომლის საშუალებითაც სხვა ქართულ ტერიტორიებთან ერთად საბჭოთა რუსეთმა თურქეთს დაუთმო ბათუმის ოლქი ქ. ბათუმით.

1918 წლის 14 აპრილს ბათუმის თვითმართვულობის შენობასთან შეიკრიბა ხმოსანთა და ქალაქის ინტელიგენციის ნაწილი, გადწყდა ოსმალებთან გაეგზავნათ დელეგაცია, ისინი თეთრი დროშით გაემართნენ მოწინააღმდეგის პოზიციებისაკენ. ოსმალთა არმიის პოლკოვნიკმა შეკრებილთ უთხრა: "არმიის მეთაურის ვეხიბ-ფაშას ბრძანებით, გიცხადებთ მადლობას პარლამენტარების გამოგზავნისათვის და პოლიციისათვის, რომელიც წესრიგს იცავს ქალაქში. ჩვენ ვთხოვთ პოლიციას დარჩეს თავის ადგილზე ხოლო სადამოთი დატოვოს პოსტი, რათა არ მოხდეს გაუთვალისწინებელი შემთხვევები. ჩვენი ჯარები შემოვლენ ქალაქში და თუ მოსახლეობის მხრივ იქნება ლოიალური დამოკიდებულება, მაშინ მცხოვრებთ არავითარი საშიშროება არ ემუქრებათ".

ამის შემდეგ დაიწყო ქალაქში ჯარის ნაწილების შემოსვლა. 14 აპრილს საოკუპაციო ჯარების სარდლობამ თურქულ, ქართულ და რუსულ ენებზე გამოსცა ბრძანება, რომელიც სამი პუნქტისგან შედგებოდა. ახალი ხელმძღვანელობა მოსახლეობას მოუწოდებდა სიმშვიდის დაცვისაკენ, ურჩებს ემუქრებოდა სამხედრო-საველე სასამართლოთი. პირველი ღონისძიება, რითაც ახალმა ხელისუფლებამ დაიწყო ოლქის მართვა, იყო სახელმწიფო და კერძო საკუთრებაში არსებული ქონების აღწერა, სწორედ ამ ფაქტის ამსახველი დოკუმენტია დაცული.

ქუთაისის ცენტრალურ არქივში ქუთაისის მიხეილის სათავადაზნაურო საადგილმამულო ბანკის ფონდში, სადაც N1348 -ით რეგისტრირებულია 1918 წლის 8 ივნისით დათარიღებული ქვემოთ წარმოდგენილი დოკუმენტი:

„საქართველოს რესპუბლიკის სამშვიდობო დელეგაციას ოსმალეთის მთავრობასთან 8 ივნისი 1918 წელი. მიხეილის სათავადაზნაურო საადგილმამულო ბანკის გამგეობა ამასთანავე გაახლებს სიას მიხეილის ბანკში დაგირავებული მამულების, მდებარე ქალაქ ბათუმში, რომელშიდაც აღნიშნულია ვალის რაოდენობა თითოეულ მამულზე 1 ივლისამდე ამა წლისა და მათი მეპატრონეების სახელი და გვარი და გთხოვს ეს ცნობები დელეგაციამ მიიღოს მხედველობაში მოლაპარაკების დროს.

დოკუმენტს ხელს აწერს ფაღავა, ლორთქიფანიძე და ქარდავა.

#რეგისტრის	სახელი, მამის სახელი და გვარი	სად მდებარეობს მამული	სულ	მეპატრონე
848	დურსუნ ალა ადალ ოლი	ბათუმი	5753,49	თავად
872	მუფტი და ზადე ის-მაილ ეფენდი და მუფტი ზადე ფატიმა ხანუმ იუსუფოვ ალა ცუკუშბა	ბათუმი	2486,83	თავად
932	ვოდე ელისაბედი დი-ტონოვრა	ბათუმი	4175,22	თავად
760	ხეჩინოვა ელისაბედი ლუკას ასული	ბათუმი	14612,02	შელენგოვსკი ეგნატე იოსების ძე
998	ხუნწარია გიორგი ქრისტეფორეს ძე	ბათუმი	2704.32	თავად
1004	შპოლიანსკი ფეიველ (იგივე პავლე) ოსიპის ძე	ბათუმი	29035,02	შპოლიანსკი ეგნატე იოსების ძე
1026	კრასოვსკი ივანე სტანისლავის ძე	ბათუმი	9074,62	თავად
1028	სანაძე კონსტანტინე და რაჟდენ პავლეს ძენი	ბათუმი	2028,07	თავად
1036	ალი ხასანოვი	ბათუმი	22,083,99	თავად
1040	სოკოლოვსკაია ეფი-მია პეტრეს ასული	ბათუმი	2768,02	თავად
1078	ჩილინგარიან არშაკ სიმონის ძე	ბათუმი	14,958.09	თავად

1080	ჩილინგარიან არშაკ და კარაპეტ (კარუმ) სიმონის ძე	ბათუმი	34.443.24	თავად
1090	პაპასკირი გიორგი დავითის ძე და დიხა-მინჯია თეიმურაზ სიმონის ძე	ბათუმი	2755	თავად
1096	როსტომ ალა ზადე ხატიჯი ხანუმ მუტი აგანუმ კიზი	ბათუმი	5220	თავად
1120	დიხტიარენკო დარია გრიგოლის ასული	ბათუმი	2141	თავად
1138	კორძაია ხესეინ-ალა ხაჯი ეგენ ოღლი	ბათუმი	2106.48	თავად
1182	კრეტიზინი საველი სიმონის ძე	ბათუმი	5077.58	თავად
1188	ზაქარიან რიფსიმე იოსების ძე	ბათუმი	3850.36	თავად
1219	მეტაქსა გიორგი	ბათუმი	8832	თავად
1231	პუზიატინ დავით მიხეილის ძე	ბათუმი	7482.35	თავად
1247	ჭყონია გიულ-ხანუმ ოსმან ალა	ბათუმი	2360.89	თავად
1251	საბინ ნიკოლოზ ემელიანეს ძე	ბათუმი	1363.33	თავად
1253	შუტც პავლე კარპეს ძე	ბათუმი	30087	თავად
1255	კაკაბაძე ივანე დავითის ძე, ქუთატელაძე სარდიონ ლევანის ძე ქადიეიშვილი სამოელ	ბათუმი	14494.41	თავად
1291	რიჟინაშვილი მიხეილ ელოს ძე	ბათუმი	2375	თავად
1293	ხაჩიკიან იოსებ, პოდოს ვარლამ ოგანჯანის ძე	ბათუმი	4752	თავად
1295	ფიჩხაძე იაკობ, ისხაკ და ილია არონის ძე	ბათუმი	5985.83	თავად
1305	ბაკურიძე არიფ ალა	ბათუმი	2871	თავად
1329	ჩხეიძე ვალენტინა პეტრეს ასული	ბათუმი	7592	თავად
1335	ბედია ანტონ დავითის ძე	ბათუმი	2011	მელია ილია ანტონის ძე
1349	ონემენკო მარია ივანეს ასული	ბათუმი	2704	თავად

1373	კოსიან პოლოს ეზე- კის ძე	ბათუმი	3080	თავად
1403	შპოლიანსკი პავლე ოსიპის ძე	ბათუმი	51826.41	თავად
1423	ხაჩიკიან იოსებ, პო- ლოს ვართენ ოგაჯანის ძენი	ბათუმი	9239	ზაქარიან ი.
1435	მენადარიშვილი მიხე- ილ მაღაქიას ძე	ბათუმი	10471.79	თავად
1459	დავიდოვა მარია გრი- გორის ასული	ბათუმი	7237.99	თავად
1471	ჭყონია არიფ ალა მე- მედ-ალა ზადე კაპუ- ზო ოღლი და ხასან ალა კარა ოღლი	ბათუმი	14820	პეტრე სატირ კაზანჯი და ლევან სარი- ბეგოვი
1523	არაქელიან არაქელ იაკობის ძე	ბათუმი	9365	თავად
1549	საულიდი ტალია (ფა- ლია) პერიკონის ასუ- ლი	ბათუმი	4528.65	თავად
1567	აბოან პოლოს სააკას ძე	ბათუმი	4441.37	თავად
1571	აბელოვ გრიგორი პავლეს ძე	ბათუმი	4249.63	თავად
1599	ჯიუმარტიან მამუკა არუთინის ძე	ბათუმი	4711.68	თავად
1617	კონსტანტინიდი ანეს- ტი და ხრისტო სტავ- როს ძე	ბათუმი	2731.69	თავად
1621	ვაშანიძე ალი ალა	ბათუმი	10814	დოლიძე პრო- კოვი
1681	მჭედელოვი გრიგორი ლუკას ძე	ბათუმი	21188	მჭედელოვი მარია იოსე- ბის ასული
1695	კაპელლა ჟოზეფინა ვედაევის ასული	ბათუმი	4964.27	თავად
1775	გრიგოლია ილარიონ ერმილეს ძე	ბათუმი	2668.29	თავად
1841	ჩიკვაშვილი მიხეილ იზრაილის ძე	ბათუმი	9762.47	თავად
1887	ხიმშიევა ზეკია ხანუმ	ბათუმი	4000.60	თავად
2295	აფანასიადი იორდანე ანტონის ძე	ბათუმი	4003.82	თავად
1969	შერტენსკაია ნადეჟდა ივანეს ასული	ბათუმი	12565.58	კემურჯიან გაიანე

2073	შაბანიან რუბენ გე- რასიმეს ძე ლუცია პეტრეს ასული	ბათუმი	10185.15	თავად
2087	ალასანია ერისტო ოქროპირის ძე და მი- დლიანც აცეტიკო ოსიპის ძე	ბათუმი	6483.48	თავად
2039	მამედ ბეკ სარეკ ბეკ ზადე ბეჟან ოღლი	ბათუმი	6848.02	აჭარსკი სიმ- შიევ ჯიმაღ ბეკ
2149	გიგაშვილი ეგორ სი- მონის ძე	ბათუმი	2951.78	თავად
2153	ბრელიძე ივანე ლუ- კას ძე	ბათუმი	7997.02	თავად
2169	გიორგიადი ივანე გი- ორგის ძე	ბათუმი	12299.12	თავად
2420	მაგროპულო ეკატერინ- ე სპირიდონის ასუ- ლი	ბათუმი	26794.77	თავად
2565	დანიელოვი მაქსიმე, ვარდან და ვაგამ გრიგორის ძენი	ბათუმი	9139.47	თავად
2589	ჯინჭარაძე ანნა გაბ- რიელის ასული	ბათუმი	17868	თავად
2643	კაჯი მუსტაფა ეფენ- დი კურტ ოღლი ზე- კია ხანუმ ბატალბეი კიზი	ბათუმი	35531.29	აბაშიძე ნეს- ტორ ირაკლის ძე
2653	კურტ ოღლი ხაჯი მუსტაფა ეფენდი, ბი- უკლი ოღლი (მუჰამედ) ეფენდი და მემედ ეფენდი ბუიკლი ზადე	ბათუმი	33333.98	თავად
2753	ალი ეფენდი ხაჯი იბრაგიმ ზადე	ბათუმი	3856.66	თავად
2751	კანდელაკი ოლგა ბე- კოს ასული	ბათუმი	23322.16	თავად
2894	ელიავა გრიგოლი ლავრენტის ძე	ბათუმი	16031.56	თავად
2974	პატრუშინ პავლე თდორეს ძე	ბათუმი	34576.69	თავად
3026	ნაზაროვი პეტრე იო- სების ძე	ბათუმი	4691.57	თავად
3050	ფელიაკოვ ივანე გრი- გორის ძე	ბათუმი	13439.38	თავად

3094	კემს ოდლი თემის- თოკლე მიხეილის ძე	ბათუმი	23398.69	თავად
3140	ჭელიძე ფილიპე ნი- კოლოზის ძე	ბათუმი	13435.11	თავად
3236	ნეიმონ ირინა ივანეს ასული	ბათუმი	18700	თავად
3416	ქემოკლიძე მიხეილ ოქროპირის ძე	ბათუმი	5688.85	თავად
3514	გეგორკ ოდლი მელ- ქან კეროპოვი	ბათუმი	6228.39	თავად
3638	ლუბედევი ალექსან- დრე ივანეს ძე	ბათუმი	2530.21	თავად
3726	ტერ პეტროსოვ ალექ- სანდრე სიმონის ძე	ბათუმი	6503.31	თავად
1244	ფეფელოვი ვასილი ტიტოს ძე	ბათუმი	549	თავად
1329	პიცალიდი ნიკოლოზ სტავროს ძე	ბათუმი	526	თავად
1455	რეიერ ფრიდრიხ ხრისტინის ძე	ბათუმი	5121	თავად
1469	პიოსტოპულო იოანე პანაიოტის ძე	ბათუმი	1126	თავად
1627	მუავანაძე მამედ ეფენ- დი	ბათუმი	2412	თავად
1709	გოგელია ფილიპე დიმიტრის ძე	ბათუმი	1078	თავად
1791	შახნაზაროვი ანნა ანტონის ასული	ბათუმი	3103	თავად
3033	იუსუპ ოსმან ზარალ ოდლი	ბათუმი	2225	თავად
3081	ლომთაძე გიორგი სოფრომის ძე	ბათუმი	1860	თავად
3972	ბერძენიშვილი ეფიმი სიმონის ძე	ბათუმი, ზღვის ქუჩა	19183.45	თავად
3974	ბერძენიშვილი ეფიმი სიმონის ძე	ერისთავის ქ.	23827.08	თავად
4036	ბუნიატოვი ვიქტორ	იმერეთის ქ.	9332.35	თავად
4124	კაიტმაზოვი ივანე გრიგორის ძე	ოლგინსკის ქ.	8440.12	თავად
5584	სანაძე კონსტანტინე და რაუდენ პავლეს ძენი	ბათუმი	1887.95	თავად
5684	კვაჭაძე ამბაკო პაა- ტას ძე	ბათუმი	31151.44	გვარჯალაძე მოსე

6019	საბასტარაშვილი გიორგი და მიხეილ ალექსანდრეს ძენი	ბათუმი	2850.60	თავად
6035	ფატიმა ხანუმ იუსუფაღა ცუკუბა კიზი	ბათუმი	2983.92	თავად
6097	ჩილინგირი (კეზბო) ოღლი	ბათუმი	3420.82	თავად
6588	აბხაზავა ლევან პავლეს ძე	ბათუმი	3256	თავად
6735	წერეთელი ნესტორ ზაქარიას ძე	ბათუმი	19.451.36	თავად
6878	კოკონე ლეონ პეტრეს ძე ნიკიტინ გიორგი პავლეს ძე	ბათუმი	29475	თავად
6902	ბალუაშვილი ხავა მოშეს ძე	ბათუმი	7243	თავად
6963	ტერ-ბაღდასარიან აკილ აჯი	ბათუმი	16824	თავად
2451	ბურკოვსკი დიმიტრი პეტრეს ძე	ბათუმი	1530	ტოტიბაძე სიმონ გრიგორის ძე

1918 წლის შემოდგომაზე ანტანტის ქვეყნების გამარჯვებამ წერტილი დაუსვა ოსმალეთის ბატონობას ბათუმის ოლქში. 1918 წლის 30 ოქტომბერს ოსმალებმა მუდროსის ნავსადგურში ინგლისელებთან ხელი მოაწერეს დროებით ზავს, რითაც ოსმალეთი იძულებული გახდა დაეტოვებინა საქართველოს კუთვნილი ქ. ბათუმი და ბათუმის ოლქი.

სამწუხაროდ, ჩვენთან დაცული დოკუმენტები აღარ იძლევა იმის დასკვნის საფუძველს, თუ რა ბედი ეწია ბანკში ჩადებულ ბათუმის მოქალაქეთა ქონებას, იმედია ეს საყოველთაო პრობლემა ყოველთვის ადამიანების სასარგებლოდ დასრულდება, ჩვენ სამშობლოსაც არასოდეს მოუწევს საკუთარი ტერიტორიებისათვის ბრძოლა, ვიქნებით პოლიტიკურად და ეკონომიკურად ძლიერი დამოუკიდებელი სახელმწიფო.

გამოყენებული ლიტერატურა:

1. ქცა, ფონდი N 22, საქმე, N 8267
2. რევაზ უხნაძე, რამაზ სურმანიძე, ნუგზარ ზოსიძე, "ბათუმი", 2015 წელი

Tea Katamadze

In Batumi Nobles Bank mortgaged estates

Summary

In 1914 World War Batumi was in difficult economic situation. In Kutaisi Central Archives is protected document about Kutaisi Michael Nobility Real Estate Bank fund, where is registrated №1348 document dated 8 June, 1918. There is presented in Batumi in Michael Bank list of mortgaged estates, debt of each estate and their owners' names and surnames.

1989 წლის 26 მაისი საქართველოში

1918 წლის 26 მაისს აღდგა საქართველოს სახელმწიფოებრივი დამოუკიდებლობა (დე-ფაქტო). ქართველმა ხალხმა გადადგა თავისი ისტორიული ნაბიჯი თავისუფლებისა და დემოკრატიისაკენ. ეს გადაწყვეტილება მიღებულ იქნა უმძიმეს საგარეო და საშინაო პირობებში, როდესაც თითქმის ყველასთვის გასაგები გახდა, რომ არსებული პრობლემების მოგვარება შესაძლებელი იყო მხოლოდ დამოუკიდებელი საქართველოს არსებობის შემთხვევაში. (1) 1919 წლიდან დაწყებული საერთაშორისო აღიარების მიხედვით „საქართველო მთავარ მოკავშირეებმა იცნეს ფაქტიურად, ხოლო ზოგმა, მათ შორის საბჭოთა რუსეთმაც – იურიდიულადაც“... (2)

მიუხედავად იმისა, რომ რუსეთ-საქართველოს შორის 1920 წლის 7 მაისს დაიდო საზავო შეთანხმება, რაც რეალურად საერთაშორისო სამართლებრივ დოკუმენტს წარმოადგენს (3), რუსეთის მთავრობის მხრიდანვე იქნა 1921 წლის თებერვალში დარღვეული. რუსეთის არმია შემოიჭრა სუვერენული საქართველოს ფარგლებში და მოახდინა მისი ოკუპაცია. მას შემდეგ დიდი ხანი არ გასულა, რომ ეწყოთ სვანეთის და ხევსურეთის აჯანყებები. 1924 წლის აგვისტოში კიდევ ერთი მძლავრი აჯანყების მცდელობა საქართველოში, რომელიც მსგავსად წინა მცდელობებისა მარცხით სრულდება და ქაიხოსრო(ქაქუცა) ჩოლოყაშვილი თავისი „შეფიცულთა რაზმით“ ფაქტობრივად წყვეტს პარტიზანულ ბრძოლას. ემიგრანტად ქცეული მთავრობის წევრები თუ საზოგადო მოღვაწენი ბევრს ცდილობდნენ, რათა შესაძლებლობათ სამშობლოში დაბრუნება და დაკარგული დამოუკიდებლობის აღდგენა, მაგრამ ამაოდ. შემდგომში შვიდი ათეული წლის მანძილზეც არაერთი მცდელობა იყო საქართველოში დამოუკიდებლობის აღდგენის. მაგალითად, მეორე მსოფლიო ომის პირობებში ქართული ლეგიონების ბრძოლა გენერალ შალვა მაღლაკელიძის მეთაურობით. ასევე, ქართული დისიდენტური მოძრაობის დაწყება და სხვა. მაგრამ ყოველი ცდა მხოლოდ ქართველ საზოგადოებაში არსებული მუხტის შენარჩუნებას ეხმარებოდა. სხვა მხრივ, რუსული იმპერიული მანქანა ფხიზლად მოქმედებდა და უფრო ააქტიურებდა თავის მარწმუნებს.

მე - 20 საუკუნის 80-იან წლებში საქართველოში განახლებულმა ეროვნულ-განმათავისუფლებელმა მოძრაობამ ნელ-ნელა დაუბრუნა ქართველ ხალხს რწმენა დაკარგული დამოუკიდებლობის აღდგენისა. 1989 წლის 4 აპრილს თბილისში მთავრობის სასახლის წინ დაწყებულ საპროტესტო აქციებზე გაჟღერებულ საქართველოს დამოუკიდებლობის აღდგენის მოთხოვნას 9 აპრილის ცნობილი ტრაგედია მოჰყვა. აღსანიშნავია, რომ ამ ტრაგედიას საბჭოთა ხელისუფალთა გათვლით უნდა შედეგად მოჰყოლოდა ქართველ ხალხში დამოუკიდებლობის საკითხის უგულვებელყოფა. მაგრამ მოხდა პირიქით. სწორედ ამ ტრაგედიის შედეგი იყო ის, რომ მასობრივი ხასიათი მიიღო საპროტესტო მოძრაობამ მთელ საქართველოში.

1989 წელს სრულიად საქართველოში ფართედ აღინიშნა 26 მაისის დღესასწაული. ასე მაგალითად, საქართველოს დედაქალაქში „მიტინგები

გაიმართა თბილისის სახელმწიფო უნივერსიტეტის ეზოში, ვაკის პარკში, ნარიყალაზე, რიყეზე, თავისუფლების მოედანზე, სადაც არაოფიციალური გაერთიანებებიდან სიტყვებით გამოვიდნენ მერაბ კოსტავა, გიორგი ჭანტურია, ირაკლი წერეთელი, ზვიად გამსახურდია და სხვ. მიტინგებს ესწრებოდნენ: რუსეთის, ბალტიისპირეთის, სომხეთის, უკრაინის წარმომადგენლები. სპეციალურად ამ დღისთვის თბილისში ჩამოვიდნენ უცხოეთის პრესის წარმომადგენლებიც. ოფიციალური შეცადა წლევეანდელი 26 მაისისათვის არაბუნებრივად საზეიმო ხასიათი მიეცა... საქმე იმაში იყო, რომ არსებულმა რეჟიმმა „ჩათრევას ჩაყოლა არჩია“ და 26 მაისი ოფიციალურად საღმრთო სასწაულო დღედ გამოაცხადა. ისინი კარგად ხედავდნენ ქვეყანაში არსებულ სიტუაციას და ხვდებოდნენ რომ წინააღმდეგობის გაწევა მათი მხრიდან ნეგატიური მოვლენების განვითარების ხელშემწყობი პირობა იქნებოდა.

პარადოქსია, მაგრამ თვით მთავრობის წარმომადგენლებმაც კი მიიღეს მიტინგებზე მონაწილეობა. სწორედ იმ მთავრობის წარმომადგენლებმა, რომლებიც 25 თებერვალს საზეიმოდ აღნიშნავდნენ. იმავე დღეს, სიონის საკათედრო ტაძარში 26 მაისისადმი მიძღვნილი პარაკლისი იქნა გადახდილი სრულიად საქართველოს კათოლიკოს-პატრიარქის ილია II-ს მიერ, რომელსაც დაახლოებით ასი ათასი მომიტინგე დაესწრო. (4) გურიაში 25-26 მაისის ღამეს მოეწყო ჩირადნებით მსვლელობა, „რომელშიც მონაწილეობა მიიღეს ოზურგეთის, ლანჩხუთის და ჩოხატაურის რაიონის მცხოვრებლებმა. მოგვიანებით მათ შეუერთდნენ სამტრედიელები. მსვლელობის მონაწილეები გაემართნენ სოფელ ნაგომარისაკენ, რომელიც ოდიტგანვე თავშეყრის ადგილს წარმოადგენდა გურულთათვის. გაიმართა მიტინგი“ (5)

საქართველოში არ დარჩენილა რეგიონი სადაც არ აღინიშნა 26 მაისი საღმრთო სასწაულოდ. ჩატარებული მიტინგები ძირითადად გარკვეული მოთხოვნების წამოყენებით და მიმართვებით სრულდებოდა. 9 აპრილის მოვლენებისადმი მიძღვნილი გრანდიოზული მანიფესტაცია-მიტინგებით აღინიშნა ბათუმში 1989 წლის 26 მაისი. ბათუმის ბულვარის ძველ შადრევნებთან გამართულ თითქმის 20-ათასიან მიტინგზე სხვა პრობლემებთან ერთად დაისვა აჭარის ავტონომიის გაუქმების საკითხი. გამონაკლისს არც სოხუმისა და გულრიფშის მიტინგები წარმოადგენდა, საიდანაც მოსკოვში საქართველოდან არჩეულ დეპუტატებს გაეგზავნათ მოწოდება შემდეგი მოთხოვნების ე.წ. სსრ კავშირის სახალხო ყრილობაზე დასაყენებლად:

„1. აღიარებულ და აღდგენილ იქნას 1920 წლის 7 მაისის ხელშეკრულება. 2. აღიარებულ და დაგმოვილ იქნას საქართველოს ანექსია - 1921 წლის 25 თებერვალს. 3. აღდგენილ იქნას საქართველოს სახელმწიფოებრივი დამოუკიდებლობა. დეპუტატების ტექსტი მიღებულ იქნა ერთხმად“. (6) მაგრამ რატომ არსებობდა 26 მაისისადმი ასეთი საზოგადოებრივი ინტერესი? 26 მაისი საქართველოს ეროვნული გმირის მერაბ კოსტავას დაბადების დღეა, რაც სიმბოლურია. ამ შემთხვევაში კი, გამოფხიზლებული ქართველი ერი იმ თარიღს აღნიშნავდა, რომელმაც საქართველოს გაერთიანებას შეუწყო ხელი და ქართველი ერი ეროვნული მონობისაგან გამოიხსნა. 26-მა მაისმა საქართველოს მოუტანა თავისუფლება, დამოუკიდებლობა, სუვერენობა. ამით, მან განსაკუთრებული ადგილი დაიკავა ქართველი ხალხის ცნობიერებაში. სწორედ ეს თარიღი იქცა თავისუფალი საქართველოს სიმბოლოდ. 1918 წლის 26 მაისს მიღებული დამოუკიდებლობის აქტით განისაზღვრა სა-

ქართველოს სახელმწიფოებრივი წყობის საფუძვლები. მას ეყრდნობდა საქართველოს დემოკრატიული რესპუბლიკის კონსტიტუცია, რომელიც მიღებული იყო დამფუძნებელი კრების მიერ 1921 წლის 21 თებერვალს. 26 მაისის აქტის მნიშვნელობა გაცილებით მასშტაბურია, რადგან მას არ მოუტანია სიკეთე მხოლოდ საქართველოსთვის. არამედ, სწორედ ამ აქტის მიღებას მოჰყვა ანალოგიური ნაბიჯის გადადგმა ჩვენი მეზობლების – სომხეთისა და აზერბაიჯანის მხრიდანაც. 28 მაისს მათ მიერ მიღებულ დამოუკიდებლობის აქტებს საფუძვლად ედო 2 დღის წინათ გამოცხადებული საქართველოს დამოუკიდებლობის აქტი.

უნდა ითქვას ისიც, რომ 1918-1921 წლების საქართველოს სამართლიანად აღარებდნენ დემოკრატიისა და სამოქალაქო წესიერების ოაზისს ყოფილი იმპერიის ანარქიულ უდაბნოში. საქართველო იმ დროისათვის რეალურად წარმოადგენდა ყველა ეროვნების დევნილთა, ლტოლვილთა და დამარცხებულთა თავშესაფარს. თურქების მიერ აწიოკებული სომხები და ბერძნები, სომეხთა მიერ შევიწროებული მაჰმადიანები, რუსთა მიერ დევნილი მთიელები, სამოქალაქო ომში დამარცხებული რუსები და მრავალი სხვანი, მიუხედავად მათი სარწმუნოებისა საქართველოში პოულობდნენ შევლასა და გადარჩენას. და ყოველივე ეს ხდებოდა მაშინ, როდესაც თვით საქართველო ერთობ წინააღმდეგობრივად ვითარდებოდა, მოსახლეობის გარკვეული ნაწილი კი შიმშილობდა. (7) ახლა ისევ მივაპყროთ ყურადღება 1989 წლის 26 მაისის საზეიმო განწყობას: „ქ.ოჩამჩირეში ილია ჭავჭავაძის სახ. N1 ქართული საშუალო სკოლის მოსწავლეები სხვა თანატოლთა მსგავსად შეძრა 9 აპრილის ტრაგედიაში. ბავშვებმა გადაწყვიტეს პატივი მიეგოთ დაღუპულთა ხსოვნისათვის. მათ 25 მაისს სკოლის ეზოში პატარა მემორიალური დაფა დადგეს. იქ, სურდათ დაედვარათ ბავშვური ცრემლი, მიეტანათ ყვავილი, დაენთოთ სანთელი... მაგრამ მოხდა წარმოუდგენელი. უკვე მეორე დღეს, მთელი აფსუბა ფეხზე იდგა. ისინი მოითხოვდნენ ქართული სკოლის ეზოდან მემორიალის სასწრაფოდ აღებას, შეეცადნენ მის შებილწვასაც...” (8) სამწუხაროდ, მათ შეძლეს და ქართველებს მემორიალი ააღებინეს, მაგრამ ეს მოხდა დიდი დაძაბულობის ფონზე. როგორც ჩანს, საბჭოთა მთავრობა ერთი მხრივ, თუ დათმობაზე მიდიოდა 26 მაისის საზეიმოდ აღნიშვნასთან დაკავშირებით, მეორე მხრივ ცდილობდა სხვა ბერკეტების ამოქმედებას საქართველოს დამოუკიდებლობის აღდგენის საწინააღმდეგოდ. ამ დროს, მათ ე.წ. ეთნოკონფლიქტების გაღვივება საუკეთესო გამოსავლად მიაჩნდათ.

ინციდენტი მოხდა ცხინვალშიც. კერძოდ, მეოთხე სკოლის პედაგოგებმა, ოფიციალურად საზეიმოდ გამოცხადებულ 26 მაისს დამოუკიდებელი საქართველოს სამფეროვანი დროშა მიიტანეს სკოლაში და შენობაზე დაამაგრეს. ამას მოჰყვა მთელი რიგი უსიამოვნებანი. ხან ტელეფონის ყურმილში ისმოდა მუქარები თუ არ ჩამოხსნიდნენ ზემოხსენებულ დროშას, ხან კომკავშირის საქალაქო კომიტეტიდან, ანდაც ოსი ეროვნების მოქალაქეთა მხრიდან შეიმჩნეოდა მუქარები და ძალადობა ადგილზე. პედაგოგებმა დროშა მათ არ დაანებეს და მხოლოდ დათქმულ დროს ჩამოხსნეს (9) როგორც ჩანს, საქართველოს დამოუკიდებლობის თემა განსაკუთრებით აღიზიანებდათ იმ რეგიონებში, სადაც მალე სეპარატისტულმა მოძრაობამ ფრთები გაშალა.

ამრიგად, 1918 წლის 26 მაისს მოეწიეს საქართველო დღესასწაულობდა ამ ისტორიულ მოვლენას. სამწუხაროდ, სწორედ ამ დღეს თურქეთმა წარუდგინა ამიერკავკასიის დელეგაციას ცნობილი ულტიმატუმი და მოითხოვა პასუხი 72 საათის განმავლობაში, რამაც გარკვეული დისონანსი შეიტანა საერთო განწყობილებაში. 1918 წლის 26 მაისი საქართველოს დამოუკიდებლობისათვის ბრძოლის ისტორიაში ღირსშესანიშნავი თარიღია. აღდგენილ იქნა საქართველოს დამოუკიდებლობა, მისი სახელმწიფოებრიობა. აღსრულდა ქართველი ხალხის დიდი ხნის წადილი. დაიწყო საქართველოს ისტორიის ახალი ერა. (10) 1989 წლის 26 მაისიც სადღესასწაულო იყო. მიუხედავად ცალკეული უსიამოვნო ინციდენტისა, საქართველოს ყველა კუთხეში მაინც იზეიმა მოსახლეობამ. მას შემდეგ, ხსენებული თარიღი საქართველოში გრანდიოზული სამხედრო აღლუმებით, თუ სხვადასხვა საზეიმო ღონისძიებებით ყოველწლიურად აღინიშნება. რაც მთავარია, 1918 წლის 26 მაისის აქტი საფუძვლად დაედო 1991 წლის 9 აპრილს დამოუკიდებლობის აღდგენის გამოცხადებას და დღეს საქართველოს აქვს მეორე უმნიშვნელოვანესი თარიღიც დამოუკიდებლობის აღსანიშნავად – 9 აპრილი, რომელიც სიმბოლურია 1989 წლის 9 აპრილს ტრაგიკულად გარდაცვლილი ქართველი პატრიოტების თავგანწირვის დასაფასებლად.

დამოწმებული წყაროები და ლიტერატურა:

1. გაზეთი „ახალგაზრდა ივერიელი“, 25.V.1991წ;
2. გაზეთი „სამშობლო“, #14,1989წ;
3. გაზეთი „ახალგაზრდა ივერიელი“, 21.V.1991წ;
4. გაზეთი „ივერია“, #8,1989წ;
5. გაზეთი „ქართული ქრონიკა“, 30.V.1989წ;
6. გაზეთი „ივერია“, #8,1989წ;
7. გაზეთი „ახალგაზრდა ივერიელი“, 06.VIII.1991წ;
8. გაზეთი „ივერია“, #8,1989წ;
9. გაზეთი „ქართველის დედა“, #2,1989წ;
10. გაზეთი „ახალგაზრდა ივერიელი“, 28.V.1991წ.

26th May of 1989 in Georgia

Summary

National-Liberation Movement became particularly active in Georgia by the end of 80s in 20th of Century. In the beginning of April in 1989 there were protests for demanding independence in front of the Government Palace in Tbilisi. On this contrary, special punitive unit suppressed actions with unprecedented brutality that caused casualties. Despite the great efforts of the Soviet Government was not able to hide the incident. That resulted awakening and united of the nation around the ideal of independence and freedom. The regime was forced to had some sort of concession and 26th of May in 1989 has been officially announced as an Independence Day of Georgia. Despite some incidents this date was celebrated all over the country and is still celebrated.

**ბათუმის საფორტიფიკაციო ნაგებობების ისტორიიდან
(XVII- XVIII სს.)**

XVI საუკუნიდან მძიმე პერიოდი დაუდგა საქართველოს. სამხრეთიდან ქვეყანას მოადგა ოტომანთა იმპერია დიდძალი ჯარით. ოსმალეთმა, სხვა ქართულ ტერიტორიებთან ერთად, XVI საუკუნის 70-იანი წლების ბოლოს დაიკავეს ბათუმი. **დაიწყო ბათუმის ისტორიის ოსმალთა ბატონობის პერიოდი.**

ოსმალებმა დაკავებულ ციხეებში ჩააყენეს გარნიზონები. ამ პერიოდისათვის ბათუმის ერთადერთ საფორტიფიკაციო ნაგებობას წარმოადგენდა ბათუმის (თამარის) ციხე. XIX ს-ის მეორე ნახევარში ძველი ბათუმის სამხრეთით, ასევე ყურეს ჩრდილოეთ ნაწილში ოსმალებმა ააგეს სარისუს და ბურუნთაბიეს ფორტები.

წინამდებარე ნაშრომში წარმოდგენილია ბათუმის (თამარის) ციხის ისტორია XVII- XVIII საუკუნეებში. რაც დღემდე არ გამხდარა სპეციალური კვლევის ობიექტი.

ბათუმის ციხე მდებარეობს მდ.ყოროლისწყლის შესართავთან აღმართულ ბუნებრივ გორაკზე. იგი იცავდა ძვ.ბათუმს და მის შემოგარენს, - მდ.ყოროლისწყლის შესართავიდან სამხრეთ სანაპირო ზოლს, ბათუმის ყურეს ჩათვლით.საკვლევ პრობლემაში წვდომისათვის მოკლედ მიმოვიხილავთ მის წინა პერიოდს. ციხე აგებულია VI ს-ში (Леквинадзе В., 1973:171-172. დ. ხახუტაიშვილი, 1997:335: ნინიაშვილი, 2009:155). ფეოდალური ხანის სამხრეთ-დასავლეთ საქართველოს ზღვისპირეთში იგი წარმოადგენდა მნიშვნელოვან საფორტიფიკაციო ნაგებობას, რომელსაც საუცხოო ციტადელი ჰქონდა (ვ.ჯაოშვილი, ი.სიხარულიძე, 1997:329: რ.უზუნაძე,2013). საკვლევი ობიექტის შესახებ ვახუშტი ბატონიშვილი მიუთითებდა: „ციხე კარგი“(ვ.ბატონიშვილი, 1973: 176 გვ.). ასევე, ძვ. ბათუმის დასახლებას უნდა ჰქონოდა ფეოდალური ხანის მეტ-ნაკლებად მნიშვნელოვანი ქალაქებისათვის დამახასიათებელი **„ერთი უმნიშვნელოვანესი სიმაგრე, - ქალაქის კედელი ანუ „გალავანი ქალაქისა“** (შ.მესხია, 1983:612)¹. ვფიქრობ, გალავნით შემოსაზღვრული იქნებოდა ქალაქის ცენტრალური ნაწილი, ძირითადად ხმელეთიდან. ხოლო, ზღვისა და ყოროლისწყლის შესართავის მონაკვეთი ბათუმისათვის ასრულებდა გარკვეულად მნიშვნელოვან ბუნებრივი სიმაგრის ფუნქციას². გვიან პერიდამდე ყოფილა შემორჩენილი ქალაქის კედლის ნაშთები. დ.ბაქრაძე, რომელმაც 1873 წ. იმოგზაურა ბათუმში, წერდა: წარსულში ბათუმი მდებარეობდა დიდ მოვაკებულზე, ყოროლისწყლის მარცხნივ. ამ ადგილზე დღემდე შემორჩენილია დიდი კედლის ნაშთები (დ.ბაქრაძე, 1987:27). იგი აგრეთვე მიუთითებს: მდ. ყოროლისწყლის შესართავთან აღმართულ გორაკზე მდებარე ბეჟანოღლის (ბეჟანიძის) სახლიდან თვალი გაავადევნე მასიური კედლის ნაშთებს, რომელიც ალაგ-ალაგ წყდებოდა (დ.ბაქრაძე, 1987:28). ბათუმის ციხის შესახებ საინტერესო ცნობებია დაცუ-

ლი XIII-XVI სს.-ის ძველ ევროპულ საზღვაო რუკებზე (პორტოლანტები). მათზე ბათუმი გამოსახულია დიდი ციხე-ქალაქის აღმნიშვნელი ტოპოგრაფიული ნიშნით³ (რ.უზუნაძე, 2013:23,25). ამ მხრივ საყურადღებოა აგრეთვე XV სს.-ის ევროპელ მოგზაურთა თუ დიპლომატთა ჩანაწერები. პანს შილტბერგერი მიუთითებს: „მინგრელის მთავარი ქალაქი ბათუმი“ (ელ.მამისტვალისშვილი, 1980:108).⁴ იტალიელი დიპლომატი და მოგზაური იოსიფატ ბარბარო 1472 წ. ჩამოსულა ბათუმში. მისი დახასიათებით ბათუმი წარმოადგენდა საქართველოს ზღვისპირეთის მნიშვნელოვან ციხე-ქალაქს. ამდენად, ბათუმისა და მისი ციხე-სიმაგრის სახით, ოსმალეთის ხელში აღმოჩნდა სტრატეგიულად მნიშვნელოვანი, კარგი საფორტიფიკაციო ნაგებობა. ფაქტობრივად XIX სს.-ის მეორე ნახევრამდე იგი წარმოადგენდა ბათუმის ერთადერთ თავდაცვით სიმაგრეს.

როგორც ირკვევა, გარკვეულ დრომდე ოსმალთა ბატონობა ბათუმში ატარებდა ნომინალურ ხასიათს. 1614 წ. ბათუმს ეწვია ფრანგი მისიონერი ლუი გრანჟე. იგი შენიშნავს: „ბათუმი საქართველოს ნავსადგურია“ (Полиевктов М., 1935:51). რაც მიუთითებს, რომ ამ პერიოდისათვის ბათუმი გარკვეულად ინარჩუნებდა დამოუკიდებლობას.⁵ ძირითადად შემოიფარგლებოდა ოსმალეთისათვის ხარკის გადახდით.⁶ მოსახლეობის წინააღმდეგობის გამო ზოგჯერ გადასახადის აკრეფაც ჭირდა (რ.უზუნაძე, 2013:29). ოსმალური წყაროების მიხედვით ბათუმის ციხეში XVII სს.-ის 90-იან წლებამდე არ ჩანს დამპყრობთა მუდმივი გარნიზონი (ნ.შენგელია, 2009:236-237). ამავდროულად წყაროების ცნობით ბათუმში ოსმალთა მეციხოვნეები გამოჩნდნენ XVII სს.-ის 90-იანი წლების მეორე ნახევრიდან (რ.უზუნაძე, 2013:29-30). რაც უკავშირდებოდა ოტომანთა იმპერიის დაძაბულ საგარეო ვითარებას აღმოსავლეთ შავი ზღვისპირეთში. დასავლეთ საქართველოს მეფე-მთავრებმა ისარგებლეს იმპერიის შიგნით არსებული მძიმე ეკონომიკური მდგომარეობით და XVII-XVIII სს.-ის მიჯნაზე შეეცადნენ გამოსულიყვნენ სულთანის ხელქვეითობიდან. უარი თქვეს მის მორჩილებაზე. ოსმალეთს შეუწყვიტეს ხარკის გადახდა. აფხაზები თავს ესხმოდნენ და ძარცვავდნენ ოსმალთა სავაჭრო გემებს. ამას ემატებოდა XVII სს.-ის 90-იანი წლებიდან რუსეთის იმპერატორ პეტრე I-ის აქტიური მზადება შავ ზღვაზე გაენადგურებინა ოსმალთა ფლოტი. ამ ბრძოლაში პეტრე I-ს ეიმედებოდა ქართველთა მხარდაჭერის. ბრწყინვალე პორტას კარზე დაინახეს მოსალოდნელი საფრთხე. გადაწყვიტეს დაესწროთ რუსებისათვის და დაეპყროთ საქართველო (ქჩხატირაიშვილი, 1973:456-457). თავის პოზიციების გასამტკიცებლად მიიღეს ზომები. შეუდგნენ, თითქოსდა მანამდე უწყურადღებოდ დატოვებულ, ბათუმის ციხის გამაგრებას (XVI-XVIII სს.-ოდწ., 1987:80; ნ.შენგელია 2009:237). 1702-1703 წლებში ციხეს ჩაუტარდა სარეკონსტრუქციო სამუშაოები. დააშენეს ახალი სიმაგრე. კედლები ნაშენებია რიყის ქვით (ი.სიხარულიძე, 1962:27). განახლებული ციხე-ციტადელი 1703-1704 წლების ოსმალთა წყაროებში მოხსენიებულია ტერმინებით: „განახლებული ბათუმის ციხე“, „ბათუმის ყურეში განახლებული ბათუმის ციხე“ (XVI-XVIII სს.-ოდწ., 1987:79-82...). 1703 წ. ოსმალებმა განახლებულ ბათუმის ციხეში ჩააყენეს

მრავალრიცხოვანი, კარგად შეიარაღებული გარნიზონი. დაიკავეს ბათუმის მხარე და ჩაქვის მხარის ნაწილი (ნ.შენგელია 1982:22-23; მისივე 2009: 237), 1703-1705 წლებში ბათუმის მეციხოვნეთა რაოდენობა შეადგენდა დაახლ. 500-დან 600 ჯარისკაცს. ციხე გამაგრებული იყო ზარბაზნებით. საქართველოს ზღვისპირეთში პოზიციების გასამტკიცებლად სულთანის კარმა 1703 წ. გამოგზავნა 45 დიდი და პატარა გემისაგან შემდგარი სამხედრო ფლოტი (ნ.ჯაველიძე, 1985:160). მათმა ნაწილმა ღუზა ჩაუშვა ბათუმის ყურეში. 1703 წ. ზაფხულში ოსმალებმა დალაშქრეს დასავლეთ საქართველო (ქჩხატარაიშვილი, 1973:456-458). ოსმალური წყაროების ცნობით სულთანის ხელისუფლებას „ბათუმის ციხის შესაკეთებლად“ სამუშაოები ჩაუტარებია აგრეთვე 1723-1924 წწ-ში, რაც უკავშირდება 1723 წ. ოსმალთა ლაშქრობას საქართველოში. რათა მათი გავლენა კიდევ უფრო გაეძლიერებინა დასავლეთ საქართველოში. 1723 წ. ზაფხულში ოსმალებმა დაიკავეს აღმოსავლეთ სანაპიროზე მდებარე ციხეები და საქართველო ზღვას მოსწყვიტეს⁷ (ქჩხატარაიშვილი, 1973:402). გარნიზონები ჩააყენეს დაკავებულ ციხეებში. ხოლო ადრე მათ ხელში მყოფი ციხეები, მათ შორის ბათუმის ციხე გაამაგრეს (ქჩხატარაიშვილი, 1973:402; ნ.შენგელია, 2009:238). აღნიშნულ სამუშაოებთან დაკავშირებით ოსმალური წყარო გვაცნობს: ბათუმის ციხის შესაკეთებლად მნიშვნელოვანი თანხა გააგზავნა. 1723 წ. დაიხარჯა 2500 ყურუში ესედი⁸. 1724 წ. დამატებით გამოიყო 2635 ყურუში ესედი. (XVI-XVIII ს.ს.-ოდწ., 1987:136-137). ბათუმის ციხის გამაგრებითი სამუშაოები მიმდინარეობდა აგრეთვე შემდგომ წლებშიც. რაც წყაროებთან ერთად დასტურდება ციხის არქეოლოგიური მასალებით (ა.კახიძე, დ.ხახუტაიშვილი, 1989:49).

განმარტებისათვის, აქვე მოკლედ მინდა შევეხო საკვლევ პრობლემატიკასთან დაკავშირებით ქართულ ისტორიოგრაფიაში არსებულ მოსაზრებებს. გამოთქმულია მოსაზრებები რომ: „1703 წ. ოსმალეთმა ააგო ბათუმის ციხე.“ „1703 წ. ოსმალებმა ბათუმის ახალი სიმაგრე ააგეს“ (ქჩხატარაიშვილი, 1972:11; მისივე 1972:58; მისივე 1973:458; მისივე 1976:273; იბეჭიროშვილი, 1991:86). როგორც საკითხის საფუძვლიანმა შესწავლამ გვიჩვენა ორივე შემთხვევაში საქმე გვაქვს ოსმალების მიერ ბათუმის ციხეზე განხორციელებულ სამშენებლო-განახლებით სამუშაოებთან. აზრთა სხვადასხვაობა მომდინარეობს ვახუშტი ბატონიშვილის ცნობიდან: ოსმალებმა ბათუმში დაიწყეს „შენება ციხისა“ (ვ.ბატონიშვილი, 1973:814). აშკარაა, რომ აქ საუბარია საკვლევ საფორტიფიკაციო ნაგებობის მიმართ ზემოთ მითითებულ სამუშაოებზე (ლ.ურუშაძე, 1989:69; დ.კომახიძე, 1977:16)⁹. ზედაპირზე დღემდე შემორჩენილია XVIII საუკუნის ციხის კედელთა ნაშთები (ა.კახიძე, დ.ხახუტაიშვილი, 1989:29,49). ოსმალეთის სულთან აჰმედ III-ის მიერ 1712 წ. გაცემულ ფირმანში მითითებულია „ძველი ციხე ბათუმი“ და „ახალი ციხე ბათუმი“ (ქჩხატარაიშვილი, 1976:276). პროფესორ ქჩხატარაიშვილის მოსაზრებით: დოკუმენტში მოხსენებული „ძველი ციხე ბათუმი“ უნდა იყოს „თამარის ციხე“ მდ.ყოროლისწყლის შესართავთან, ხოლო „ახალი

ციხე ბათუმი“ ის სიმაგრეა, რომელსაც საფუძველი 1703 წ. ჩაეყარა და რომელთანაც თანდათან ქალაქი გაშენდა“ (ქჩხატარაიშვილი, 1976:273). საკითხის საფუძველიანი შესწავლიდან გამომდინარე ვფიქრობთ, რომ ამ შემთხვევაშიც ოსმალურ წყაროში საუბარია ბათუმის (თამარის) ციხე-სიმაგრეზე. როგორც ითქვა იგი აკონტროლებდა მდ.ყოროლისწყლიდან ყურეს ჩათვლით მონაკვეთს. ვინაიდან ოსმალეთის გემები ღუზას უშვებდნენ ბათუმის ყურეში ამიტომ, როგორც ზემოთ აღვნიშნეთ, ოსმალურ წყაროებში იგი მოხსენიებულია „ბათუმის ყურეში განახლებულ ბათუმის ციხედ“. წყაროების ანალიზი გვაძლევს საფუძველს მიუთითოთ, რომ „ახალ ციხედ“ ოსმალები მიიჩნევდნენ მათ მიერ განახლებულ ბათუმის ციხე-ციტადელს. რაც შეეხება „ბათუმის ძველ ციხეს“, ვფიქრობთ მასში მოიაზრებოდა ძველი ბათუმის ქალაქის გაღავანი. რომელიც იცავდა იმ დროინდელი ბათუმის საქალაქო დასახლებას და გარკვეულად ასრულებდა სასამაგრო ნაგებობის ფუნქციას.¹⁰ ასე, რომ აღნიშნულ შემთხვევაშიც საქმე გვაქვს ძველი ბათუმის საფორტიფიკაციო ნაგებობასთან, - თავისი ციხე-ციტადელითა და გაღავნით.¹¹

საინტერესოა საკვლევე პერიოდში ბათუმის გამგებლობის წესი, ციხეში ჩაყენებული ოსმალთა გარნიზონის სტრუქტურა, შემადგენლობა, მათი რაოდენობა, შეიარაღება, გარნიზონში არსებული მდგომარეობა.

ციხეს ჰყავდა დიზდარი (ციხისთავი), იგივე „ციხის ანუ ბათუმის ბეგი“ ინიშნებოდა სულთანის უმაღლესი ხელისუფლების ბრძანებით (XVI-XVIII ს.ს.-ოდწ., 1987:96,263). დიზდარის მოვალეობას შეადგენდა ხსენებული ციხისა და ბათუმის მიმდებარე ტერიტორიის დაცვის უზრუნველყოფა. ექვემდებარებოდა ციხის გარნიზონი. მისი წარდგინებით ინიშნებოდა გარნიზონის სამხედრო ნაწილთა მეთაურები. სულთანის კარს წარუდგენდა მოხსენებებს, არზას (თხოვნა) ციხეში არსებული მდგომარეობის და გარნიზონთან დაკავშირებული პრობლემების თაობაზე (XVI-XVIII ს.ს.-ოდწ., 1987:93).

1709 წ. სულთანის უმაღლესი ხელისუფლების მიერ გაცემული ბერათით (ბარათი) ბათუმის ციხის დიზდარი ყოფილა მეჰმედი (XVI-XVIII ს.ს.-ოდწ., 1987:83-84). 1716 წ. წყაროს ცნობით იგი ინარჩუნებს დიზდარის (ციხისთავი) თანამდებობას (XVI-XVIII ს.ს.-ოდწ., 1987:83-85). მეჰმედი წარმოშობით ყოფილა გამუსლიმანებული ქართველი¹². 1721 წლისათვის ბათუმის ციხის დიზდარის (ციხისთავი) თანამდებობაზე ჩანს ვინმე აბულ კასიმი (შენგელია, 1987:93). იგი ყოფილა გედიქი (წარჩინებული პირი, რომელიც სამხედრო სამსახურისათვის იყო თიმარის თუ ზიამეთის კატეგორიის მიწის მფლობელი. (იხ.XVI-XVIII ს.ს.-ოდწ., 1987:262).

იმ პერიოდის ბათუმის მხარეში არსებული მდგომარეობის გათვალისწინებით, შესაბამისი მასალების ანალიზიდან გამომდინარე ვფიქრობთ, რომ 1744 წლამდე ბათუმის ციხისთავები (ბეგი) უნდა ყოფილიყვნენ თავდგირიძეთა გვარიდან. მათ ეკავათ ძველი ბათუმი და ბათუმის მხარე (Д. Бакрадзе, 1889:13; ო.სოსელია, 1981:179; ლ.ურუშაძე, 1989:73; ო.თურმანიძე, 1981:44; რ.სურმანიძე, 2007:91). ატარებდნენ გედიქის წოდებას.



ბათუმის ციხე

Batumi Fortress Батумская крепость

XVIII ს-ის 40-იან წლებიდან ბათუმის ციხისთავის თანამდებობას (ბეგის ტიტულით) იკავებენ შერვაშიძეთა გვარის წარმომადგენლები. 1744 წელს სულთანმა მაჰმუდ I (1730-1754) ბათუმის ციხისთავად (ბეგად) დასვა ოსმალეთს გადასახლებული, აფხაზთა სამთავრო გვარის წარმომადგენელი, მანუჩარ (სულეიმან) შერვაშიძე (კეკელიძე, 2015:113; რ.შერვაშიძე, 2016 :45). ისინი ამ თანამდებობას ინარჩუნებდნენ XIX ს-ის 20-იან წლებამდე.¹³ ვიდრე ციხე ფუნქციონირებდა (რ.უზუნაძე 2013:33).

აღმოსავლეთ შავიზღვისპირეთში სიტუაციიდან გამომდინარე ციხის გარნიზონის ჯარისკაცთა რაოდენობა ცვალებადი იყო. XVIII ს-ში, წლების მიხედვით, გარნიზონის ჯარისკაცები შეადგენდნენ: 1703-1705 წწ.-ში - 600: 1706-1607 წწ.-ში-378: 1708-1709 წწ.-334; 1727-1728 წწ.-157: 1731 წ.-187; 1732-1733-184; 1745 წ. -250 (XVI-XVIII ს.ს.-ოდწ., 1987:69-70, 75,78, 178,186,221,229-230,251). მსგავსი მდგომარეობა უნდა ყოფილიყო XVIII ს-ის მეორე ნახევარში. გასათვალისწინებელია ამ პერიოდის რუსეთ-თურქეთის ომები და ქართველ მეფე-მთავართა ანტიოსმალური პოზიციები.

XIX ს-ის დამდეგიდან ვითარება იცვლება. კერძოდ, ბათუმის საქალაქო დასახლების ყურეს მიმართულებით გადანაცვლება ასუსტებს ბათუმის ციხის პოზიციებს. 1804 წ. მონაცემით ბათუმის ციხეში იდგა ოსმალთა 121 კაციანი გარნიზონი (Акты, 1868:876: რ.უზუნაძე, 1997:8). 20-იანი წლებიდან ციხემ დაკარგა საფორტიფიკაციო ნაგებობის ფუნქცია.

ბათუმის ციხის გარნიზონს შეადგენდნენ ოსმალური ჯარის შემდეგი ნაწილები: ბეშლუიანები, აზაბები, მუსთაფაზები, ჯებეჯიები, თოფჩიები¹⁴. შემდეგში მათ დაემატა იერლუიანების რაზმი.

ბათუმის ციხეში გამწესებულ ბეშლუიანებს ევალებოდათ ზრუნვა ციხეში „წესრიგსა და თავდაცვისუნარიანობაზე“, ლაშქრობის დროს ჯარისათვის გზის გაწმენდა, მეგზურობის გაწევა (XVI-XVIII ს.ს.-ოდწ., 1987:260). ბეშლუიანები იყვნენ დაქირავებული ჯარისკაცები. მათი დღიური ანაზღაურება შეადგენდა 5 ახნა ულუფას. ბეშლუიანთა ნაწილი შედგებოდა გამუსულმანებული ადგილობრივი ჯარისკაცებისაგან (XVI-XVIII ს.ს.-ოდწ., 1987:198). მათ მეთაურობდა ბეშლუიანების ალა. ნაწილს ყავდა აგრეთვე ბოლუქბაში (რაზმის მეთაური) და ალამდარი (მედროშე). სამივე თანამდებობა ეკავათ გარნიზონში მომსახურე ადგილობრივებს. ბეშლუიანების ალას დღიური ანაზღაურება უდრიდა 30 ახნა ულუფას, ბოლუქბაშის -8 ახნას, ალამდარის (მედროშე) კი -12 ახნას. ცნობილია ზოგიერთი „ჩინოსნის“ ვინაობა. 1719 წ. ცნობით ბეშლუიანების ალა ყოფილა ვინმე საბა ომერი. იგი წარმოშობით იყო ადგილობრივი, კერძოდ ნიგალის ხეობიდან. წყაროს ცნობით ომერი არ ასრულებდა თავის მოვალეობას. „ციხის შიგნით არ ცხოვრობდა. ძირითადად დროს ატარებდა სოფელში თავის სახლში, მიუხედავად იმისა, რომ ჯარისკაცთა დისციპლინა დაკანონებული იყო“ (XVI-XVIII ს.ს.-ოდწ.,1987:89). ბრალად მას ისიც ედებოდა, რომ მიუთვისებია ჯარისკაცებისათვის განკუთვნილი სარგოები¹⁵. ამიტომ ომერი თანამდებობიდან გაუთავისუფლებიათ და 1719 წ. 22 ივლისს ბეშლუიანების ალად დაინიშნა ვინმე

სულეიმან იბნი. 1731 წ. ცნობით ბეშლუიანების ნაწილის ალა ყოფილა მეჰმედ-ალა (XVI-XVIII ს.ს.-ოდწ., 1987:89,216).

ბეშლუიანების ნაწილში უმცროს ჩინოსანს წარმოადგენდა სერ ბოლუქი, იგივე ბოლუქბაში (რაზმის მეთაური), 8 ახია ულუფით. საჭიროების შემთხვევაში ასრულებდა ბეშლუიანების ალას მოვალეობას. ზოგიერთ ბოლუქბაშას ენიშნებოდა 10 ახია ულუფა.

1726 წ. წყაროს ცნობით ბათუმის ციხის ბეშლუიანების სერ ბოლუქი ყოფილა ვინმე ისმაილო ბენ იუსუფი. რომელსაც ციხე მიუტოვებია და სხვაგან დასახლებულა. თვითნებობის გამო იგი გაუნთავისუფლებიათ სამსახურიდან. ბეშლუიანთა ნაწილიდან თანამდებობა ებოძა ომერ აბდულაჰს (XVI-XVIII ს.ს.-ოდწ., 1987:197). დანიშვნის თაობაზე სულთანის კარზე არზა წარუდგენია „ბათუმის სანჯაყის მფლობელს მეჰმედ-ბეგს“ (XVI-XVIII ს.ს.-ოდწ., 1987:197). 1731 წ. აგვისტოდან ბეშლუიანების სერ ბოლუქი 8 ახია ულუფით, ყოფილა ვინმე აბდულაჰი. წყაროს ცნობით იგი ბოლო პერიოდში თვითნებობდა „დაუტოვებია ციხე, სავადლებულო სამსახურს არ ასრულებდა“. ურჩობის გამო გაუნთავისუფლებიათ სამსახურიდან. მის ნაცვლად დაუნიშნავთ ვინმე იბრაჰიმ აჰმედი. ამის შესახებ სულთანის კარზე არზა წარუდგენია ბეშლუიანების ნაწილის მეთაურს მეჰმედ ალას (ნ.შენგელია, 1987:216-218). თუ გავითვალისწინებთ ბეშლუიანების დაკომპლექტების წეს, ეროვნულ შემადგენლობას, მეჰმედ-ალა იყო ადგილობრივი წარმოშობის. ზემოთ ნახსენები ბოლუქბაშებიც უნდა ყოფილიყვნენ ადგილობრივები.

ბეშლუიანთა ნაწილში მნიშვნელოვან ფიგურას წარმოადგენდა ბაირაქთარი (ალამდარი, იგივე მედროშე). ბათუმის ციხის ბეშლუიანთა პირველი ალამდარი ყოფილა ვინმე ჰაჯი ასანი. შემდეგ მის ადგილს იკავებს ჰასან იუსუფი, გასამრჯელოდ დღეში 12 ახია ულუფით. 1720 წ. ცნობით იგი „ბათუმის ციხეში არ ცხოვრობდა, საჭირო სამსახურს არ ასრულებდა“ (XVI-XVIII ს.ს.-ოდწ., 1987:198). საქმისადმი უპასუხისმგებლო დამოკიდებულების გამო იუსუფი გაუნთავისუფლებიათ თანამდებობიდან. ალამდარად კვლავ ჰაჯი ჰასანი დაუნიშნავთ. ამის შესახებ სულთანის კარზე არზა წარუდგენია ბათუმისა და გონიოს მირლივას (სანჯაყბეგი) აჰმედ ბეგს (XVI-XVIII ს.ს.-ოდწ., 1987:198). ჩანს, ბაირაქთარი ყოფილა ადგილობრივი წარმოშობის.

ბათუმის ციხეში ჩაყენებული აზაბთა ნაწილი შედგებოდა ცხენოსანი მოლაშქრეებისაგან. ისინი იყვნენ დაქირავებული მებრძოლები.¹⁷ მათ ფუნქციას შეადგენდა ციხის მიმდებარე ტერიტორიის უსაფრთხოების დაცვა. ციხეში აზაბთა გამწესება ხდებოდა სულთანის უმაღლესი კარის ბრძანებით. დასტურად გაიცემოდა ბერათი (ბარათი). რიგითი აზაბის ანაზღაურება შეადგენდა დღიურად 5 ახია ულუფას. 1704 წ. მონცემებით აზაბთა ნაწილი შედგებოდა სამი რაზმისაგან (XVI-XVIII ს.ს.-ოდწ., 1987:79-81). თითოეულ რაზმს ყავდა უფროსი (რაზმის სერ ბოლუქი). მათი დღიური ანაზღაურება შეადგენდა 8 ახია ულუფას.

აზაბთა ნაწილს მეთაურობდა აზაბთა ალა. მისი დღიური ანაზღაურება უდრიდა 45 ახიას. გარნიზონში ციხისთავის (დიზდარი) შემდეგ, „აზაბთა ალა“ იყო ერთ-ერთ წამყვანი ფიგურა. იგი ზოგჯერ დიზდართან (ციხის-

თავი) ერთად აწერდა ხელს ბათუმის გარნიზონის არზას. 1716-1721 წლებში ბათუმის გარნიზონის აზაბთა ალა ყოფილა ვინმე მუსტაფა (XVI-XVIII ს.ს.-ოდწ., 1987: 85,135).

აზაბთა ნაწილს ყავდა ქედხუდი (მოურავი). ასრულებდა აზაბთა ალას დავალებებს, უძღვებოდა აზაბთა ნაწილის სამეურნეო საქმიანობას. მისი დღიური ანაზღაურება იყო 18 ახია ულუფა. 1729 წ. ცნობით ბათუმის ციხეში აზაბთა მოურავი (ქედხუდი) ყოფილა ვინმე ომერი. მას ჰქონდა გელიქის წოდება¹⁸. წყაროს ცნობით „ომერი არც მოსახლეობას, არც სამართალს არ დაექვემდებარა და საჭირო სამსახური არ შეასრულა“ (XVI-XVIII ს.ს.-ოდწ.,1987:99). იგი გაუთავისუფლებიათ თანამდებობიდან და ქედხუდობა ებოძა ბათუმის ციხეში მცხოვრებ ვინმე მუსტაფა ბენ მეჰმედს. საინტერესოა, რომ ამ საკითხზე უმაღლესი ხელიუფლების კარზე არზა წარუდგენია ბათუმის სანჯაყებგ აჰმედ ბეგს¹⁹.

ბათუმის ციხის მუსთაფაზების ნაწილი მნიშვნელოვნად კომპლექტებოდა ადგილობრივი მოლაშქრეებისაგან. რომლებიც თიმარის წესით ფლობდნენ მიწის ნაკვეთებს. ევალებოდათ ციხის დაცვა. რიგითი მუსთაფაზის დღიური ანაზღაურება შეადგენდა 5 ახიას. მუსთაფაზებს ყავდათ რაზმის უფროსი (მუსთაფაზების ალა), მეციხოვნე და ალამდარი.

მუსთაფაზების ალა ფლობდა მამულებს თიმარის წესით. გარნიზონში წარმოადგენდა გავლენიან პირს. ცნობილია ბათუმის ციხის მუსთაფაზების ალა მეჰმედი. რომელიც 1709 წ. დაინიშნა ბათუმის ციხისთავად (XVI-XVIII ს.ს.-ოდწ., 1987:84). იგი იყო წარმოშობით ქართველი.

მუსთაფაზების მეციხოვნე ასრულებდა ხაზინადარის მოვალეობას. ცნობილია ბათუმის ციხის მუსთაფაზების მეციხოვნე **მურთაზი**. წყაროს ცნობით 1706 წელს მას მიუთვისებია „აღნიშნული ციხის ჯარისკაცების სარგო 5-6 ქისა²⁰ ახია და გაქცეულა. ორ წელიწად ნახევარი დაკარგული იყო. მას შემდეგ რაც ხსენებულ ციხეში მოსვლის თაობაზე მტკიცე გაფრთხილება მიიღო 30 დღის განმავლობაში დაბრუნების შესახებ, სამსახურში არ მოსულა“ (XVI-XVIII ს.ს.-ოდწ., 1987:83). იგი თანამდებობიდან გაუთავისუფლებიათ. სულთანის უმაღლესი ხელისუფლების გადაწყვეტილებით 1709 წ. 1 ნოემბრიდან გაუქმებულია ბათუმის ციხის მეციხოვნეობა (XVI-XVIII ს.ს.-ოდწ., 1987:84).

მუსთაფაზების ალამდარის დღიური ანაზღაურება უდრიდა 12 ახია ულუფას. ალამდარად ინიშნებოდნენ ქართული წარმოშობის ადგილობრივი მოლაშქრეები.²¹ იგი ყოფილა საკმაოდ ტიტულიანი თანამდებობა. ატარებდა გელიქის წოდებას. მუსტაფაზების ალამდარი ყოფილა ვინმე ისმაილ აბდულაჰი. 1721 წ. წყაროში მის შესახებ ვკითხულობთ: ისმაილ აბულაჰმა დაკარგა ჭკუა, დატოვა ციხე, სამსახური და მუდამ შორიშორს დახეტიალობდა. ჯარისკაცებთან კარგი ურთიერთობა არ ჰქონდა, ციხეში არ ცხოვრობდა და არც კანონირებას იცავდა“. იმავე ცნობით „რადგანაც სამსახურში არ იმყოფებოდა და თავის საქმისადმი“ გულგრილობა გამოამჟღავნა იგი გადაყენებული იქნა თანამდებობიდან (XVI-XVIII ს.ს.-ოდწ.,1987:93).1721 წ. ნოემბერში მუსთაფაზების ალამდარის თანამდებობა

ეპოქა „ბათუმის ციხის შიგნით მცხოვრებ მურთაზს“. ამის შესახებ სულთანის სამეფო კარზე არზა წარადგინა ბათუმის ციხისთავმა (დიზდარი) აბულ კასიმმა (XVI-XVIII ს.ს.-ოდწ., 1987:93).

ჩანს, ისმაილ აბდულაჰის შემთხვევაში, ადგილი ჰქონდა ადგილობრივი ქართველის გულგრილ დამოკიდებულებას ოსმალებისადმი სამსახურის მიმართ. ვფიქრობ, აღნიშნული ქმედება იყო პროტესტის ერთ-ერთი გამოხატულება ოსმალო დამპყრობლებისადმი.

ჯებეჯიების ჯარის ნაწილის (ოსმალოთა ჯარის ერთ-ერთი სახეობა) მოვალეობას შეადგენდა ბათუმის ციხის გარნიზონის საბრძოლო მასალის, იარაღის დაცვა-განაწილება. იგი ასევე წყაროებში მოხსენიებულია „გარნიზონის დაცვის“ სახელწოდებით. რიგითი ჯებეჯის დღიური ანაზღაურება შეადგენდა 3 ახნას (XVI-XVIII ს.ს.-ოდწ., 1987:96:191).

ჯებეჯიების მეთაურს წარმოადგენდა ჯებეჯი-ალა. 1723 წ. ბათუმის ციხის ჯებეჯიების მეთაური (ალა) ყოფილა ვინმე ომერი (XVI-XVIII ს.ს.-ოდწ., 1987:96). ჯებეჯიების ნაწილი შედგებოდა დანაყოფებისაგან. მათ მეთაურობდა დანაყოფის უფროსი (სერ ბოლუქი). რომლის დღიური ანაზღაურება შეადგენდა 10 ახნა ულუფას. ცნობილია დანაყოფის უფროსი ვინმე ჰუსეინ ჰასანი (1703-1712 წწ.). 1712 წ. თანამდებობაზე დაუნიშნავთ ვინმე ჰუსეინ აბდულაჰი. ამ უკანასკნელის აღნიშნულ თანამდებობაზე დანიშვნის არზა სულთანის კარზე წარუდგენია ბათუმის მირლივა (სანჯაყბეგი) მუსტაფას (XVI-XVIII ს.ს.-ოდწ., 1987:190-191).

ჯებეჯიების ნაწილს ყავდა მედროშე (ბაირაქთარი), დღიურად 12 ახნა ულუფით. ბათუმის გარნიზონის ჯებეჯიების პირველი მედროშე ყოფილა ვინმე მუსტაფა აჰმედ სეფიდი. აღნიშნულ თანამდებობაზე დაინიშნა 1703 წ. სულთან აჰმედ III ბრძანებით. სულთანის კარზე მისი დანიშვნის არზა წარუდგენია არზრუმის ფაშას (ნ.შენგელია, 1987:81). ყოველივე ეს მიუთითებს, რომ აღნიშნული ნაწილის მედროშეობა ყოფილა მნიშვნელოვანი თანამდებობა.

ჯებეჯიების ნაწილს ექვემდებარებოდა **სანაპირო დაცვის (იერლუიანების) რაზმი**. ამ უკანასკნელს ევალებოდა ზღვისპირა მონაკვეთის დაცვა, - ბათუმის ციხიდან ყურეს ჩათვლით. მათ ჰყავდათ საერთო მეთაური (ალა), დღიურად 45 ახნა ულუფით. 1723 წ. ცნობით ბათუმის ციხეში ჯებეჯიების და იერლუიანების ალა ყოფილა ვინმე მუსა ბეგი. იგი საინტერესო პიროვნება ჩანს. ოსმალო წყარო მის შესახებ გვამცნობს: მუსა ბეგი წარმოშობით ქართველი იყო. უმეტეს დროს საქართველოში ატარებდა²² და დაცვის სამსახურს არ ასრულებდა. ასევე, წყარო მოგვითხრობს: იმის გამო, რომ მუსა ბეგი სხენებულ ციხესა და მის სანახებთან დაკავშირებული იყო ისლამის სხვა მოსახლეობის (არაქართველების) ენის (ოსმალოურის) ცოდნა მისთვის სასიცოცხლო იყო“ (XVI-XVIII ს.ს.-ოდწ., 1987:96). იგი მაინც ქართულ ენაზე ეწეოდა საქმიანობას. ყოველივე ამის გამო მუსა ბეგი ჩამოუქვეთებიათ და დაუნიშნავთ დაცვის ერთ-ერთ რაზმის უფროსად (კულ-ალა). იგი იმდენად დიდი გავლენით სარგებლობდა, რომ მისი შუამდგომლობით ჯებეჯიების და იერლუიანების აღას თანამდებობა ებოძა ომერს, რომე-

ლიც იყო ჯგუფების ადამიანები. მუსა-ბეგის შესახებ ზემოთ მოტანილი ცნობა მიუთითებს, რამდენიმე საყურადღებო ფაქტზე: მიუხედავად ოსმალთა ძალდატანებისა, მოსახლეობა ცდილობდა შეენარჩუნებინა ქართული ენა და არ უშინდებოდა წინააღმდეგობის გაწევას.

მუსა ბეგი ყოფილა ადგილობრივი გავლენიანი გვარის წარმომადგენელი. ინარჩუნებდა ქართველობას. თუ გავითვალისწინებთ იმ პერიოდის რეგიონს და ბათუმში არსებულ მდგომარეობას, გარკვეულ პირთა დაწინაურება-წარჩინებულობას, მუსა ბეგი უნდა ყოფილიყო თავდგირიძის თუ ბეჟანიძის გვარიდან. ასევე, ომერი უნდა ყოფილიყო ქართველი. მის დანიშვნის არხა სულთანის კარზე წარუდგენია ბათუმის სანჯაყბეგ მუსტაფას.

ბათუმის გარიზონის შეიარაღებაში შედიოდა არტილერია. ციხის სტატეგიული მდგომარეობიდან გამომდინარე ზარბაზნები ძირითადად მიმართული იყო ზღვის, ყურესა და ჩაქვი-ციხისძირის მიმართულებით. მას ემსახურებოდა მეზარბაზნეთა (თოფჩიების) ნაწილი. ნაწილს მეთაურობდა მეზარბაზნეთა უფროსი (თოფჩიბაში). მისი დღიური ანაზღაურება უდრიდა 45 ახია ულუფას (ეჩელები, 1973:141-142; XVI-XVIII ს.ს.-ოდწ., 1987:85). მეზარბაზნეთა ნაწილის მეთაურობა ბათუმის ციხეში ყოფილა ერთ-ერთი მაღალი თანამდებობა. ატარებდა გელიქის წოდებას. რაც ენიჭებოდათ წარჩინებულ, მაღალი თანამდებობის პირებს. სამხედრო სამსახურის სანაცვლოდ ფლობდნენ თიშარისა და ზიამეთის კატეგორიის მიწის ნაკვეთებს.

1716 წ. მაისში ბათუმის ციხის მეზარბაზნეთა უფროსად დაინიშნა ვინმე მეჰმედი (ნ.შენგელია 1987:85). წყაროს ცნობით იგი ყოფილა ადგილობრივი წარმოშობის მაღალი წრის წარმომადგენელი, რომელსაც ებოძა გელიქის წოდება. სულთანის კარზე მისი დანიშვნის არხა წარუდგენია ბათუმის ციხის უფროსი (დიზდარი) მეჰმედი (XVI-XVIII ს.ს.-ოდწ., 1987:85). მეზარბაზნეთა უფროსი მეჰმედი, მისი წარმომავლობისა და წოდებრივი მდგომარეობის გათვალისწინებით, უნდა ყოფილიყო თავდგირიძეთა ან ბეჟანიძეთა გვარიდან. საკვლევი პერიოდის ბათუმის მხარეში ბეჟანიძეები წარმომადგენდნენ გავლენიან გვარს. ფლობდნენ მამულებს ყოროლისწყლის ხეობასა და ჩაქვის მხარეში (ი.ბეჭირიშვილი, 1996:55; ო.თურმანიძე, 2001:16,55). მათ ბათუმის ციხის ტერიტორიაზე ჰქონდათ სასახლე (დ.ბაქრაძე, 1987:27-28)²³. როგორც ჩანს ბათუმის ციხეში წამყვანი თანამდებობები თავდგირიძეებთან ერთად ეკავათ ბეჟანიძეებს. შემდეგ მეზარბაზნეთა უფროსებად (თოფჩიბაში) ინიშნებიან - მუსა, სულეიმანი (წყაროს ცნობით ყოფილა ადგილობრივი. გარდაიცვალა 1726 წ.), მაჰმუდი²⁴ (XVI-XVIII ს.ს.-ოდწ., 1987:193-198).

მეზარბაზნეთა ნაწილს ყავდა მოურავი (ქედხუდა). მისი ანაზღაურება იყო დღიურად 20 ახია ულუფა. მოურავის მოვალეობას შეადგენდა სამეურნეო საქმიანობის გაძღოლა, „ნაწილში დისციპლინის და სამოქმედო ტერიტორიაზე (რაიონში) წერივის დაცვა“. 1716 წ. ცნობით ბათუმის ციხის მეზარბაზნეთა მოურავი (ქედხუდა) ყოფილა ვინმე ომერ სამი (XVI-XVIII ს.ს.-ოდწ., 1987:84-85).

მეზარბაზნეთა ნაწილი რაზმებად იყოფოდა. რაზმს ყავდა უფროსი (თოფი ბოლუქ ბაში). მისი დღიური ანაზღაურება უდრიდა 10 ახია ულუფას (ნ.შენგელია, 1987:193).

ბათუმის ციხის გარნიზონს ემსახურებოდა ქათიბი (მდივანი). მის მოვალეობაში შედიოდა საჭირო დოკუმენტების წარმოება, გასაგზავნი არზას მომზადება. იგი იღებდა 25 ახია დღიურ ულუფას. 1718 წ. ცნობით ბათუმის ციხის მდივანი (ქათიბი) ყოფილა ვინმე ოსმან ეფენდი (გონიოს ყოფილი ყადი). შემდეგ მდივნის თანამდებობას იკავებს ვინმე იბრაჰიმი. წყაროს ცნობით იგი „სხვა მხარეში ცხოვრობდა.“²⁵ დიდ მონღოლებს არ იჩენდა და სამსახურს არ ასრულებდა“ (XVI-XVIII სს.-ოდწ., 1987:85,87,90). იბრაჰიმი გაუთავისუფლებიათ და ბათუმის ციხის მდივნად დაუნიშნავეთ ვინმე ჰუსეინი. მისი დანიშვნის არზა სულთანის კარზე წარუდგენია გონიოსა და ბათუმის სანჯაყებმე მუჰმედს (XVI-XVIII სს.-ოდწ., 1987:90-91).

შემორჩენილია ცნობები ბათუმის ციხის გარნიზონის შენახვაზე გაწეული ხარჯების შესახებ. ბათუმის სანჯაყში ამოღებული საადგილმამულო გადასახადებიდან ბათუმის ციხის გარნიზონი მარაგდებოდა სურსათით, ძირითადად ხორბლეულით და ხორცეულით (ო.თურმანიძე, 2001:12). ოსმალური წყაროს ცნობით 1707 წლის 28 სექტემბრიდან - 1708 წლის 22 მარტამდე პერიოდისათვის ბათუმის ციხის 378 მეცხოვრეზე გამოყოფილი ყოფილა: დღეში ხორცი - 75,5 ოყა,²⁶ თვეში ხორბალი 189 ქილა.²⁷ 1708 წლის 22 მარტიდან - 1709 წლის 17 აგვისტომდე პერიოდში გარნიზონის 334 ჯარისკაცს გამოეყო: ხორცი - დღეში 66,5 ოყა, თვეში ხორბლეული - 167 ქილა (XVI-XVIII სს.-ოდწ., 1987:186-187). ასევე, საომარი მდგომარეობის შესაბამისად, ბათუმის ციხის გარნიზონი მარაგდებოდა ტყვია-წამლით, საჭირო მასალებით. 1721 წ. 22 სექტემბერს სულთანის კარის გამოცემული ბრძანებით ბათუმის ციხეში გაიგზავნა: შავი თოფის წამალი - 15 ყანთარი²⁸, ტყვია - 8 ყანთარი, ტყავის ძირი - 1 ცალი, მოსასხამი ქეჩა - 15 ცალი, ტყავის ქისა - 15 ცალი, შემოსახვევი 2 თოფი²⁹ იალქნის ბიაზი, ეგვიპტის პატრუქი - 1,5 ყანთარი (XVI-XVIII სს.-ოდწ., 1987:134-135).

საკვლევი პერიოდის თემასთან დაკავშირებით საინტერესოა სანჯაყების ინსტიტუტი. სანჯაყი წარმოადგენდა სამხედრო-ადმინისტრაციულ ერთეულს. მას სათავეში ედგა სანჯაყბეგი. იგი იყო სანჯაყის სამხედრო-ადმინისტრაციული გამგებელი (ნ.შენგელია, 1987:280). თავისი სტატუსიდან გამომდინარე ბათუმის, იგივე გონიოს სანჯაყბეგი ჩართული იყო ბათუმის ციხის გარნიზონის საკითხების გადაწყვეტაში, სულთანის კარზე წარადგენდა არზას თანამდებობაზე დანიშვნა-განთავისუფლების, გარნიზონის მომარაგების შესახებ. იგი ოსმალურ წყაროებში გვხვდება ბათუმის, გონიოს, ხან კიდევ ბათუმისა და გონიოს სანჯაყბეგის სახელწოდებით (XVI-XVIII სს.-ოდწ., 1987:90,96,99,109-110,134-135,137).

სანჯაყი მოიცავდა ბათუმისა და გონიოს მხარეს. XIX ს-ის 20 წლამდე სანჯაყის ცენტრი იყო გონიოში. აქ იმყოფებოდა სანჯაყბეგი და ადმინისტრაციის სხვა მოხელეები. აქვე იყო სასაზღვრო საბაჟო (ქჩხატარაიშვილი, 1976:273). XIX ს-ის 30-იან წლებში, ყურეს სამხრეთ-დასავლეთით

საქალაქო დასახლების გადანაცვლების შემდეგ, ბათუმი გახდა სანჯაყის ცენტრი.

საინტერესოა ასევე, საკვლევი პერიოდის ბათუმის ანუ გონიოს სანჯაყებების ვინაობა. როგორც ირკვევა სანჯაყებები ყოფილან აბაშიძის გვარიდან (სცსსა, ფ.231, ანაწ.I, ს.99,ფურც.7; ო.სოსელია, 1973:208-209; ო.თურმანიძე, 2001:44; ნ.შენგელია, 2009:242). აბაშიძეები ბათუმის მხარეში ჩამოსახლებულან XVII- XVIII სს-ის მიჯნაზე. ისინი ოსმალეთის მთავრობის სამსახურში ჩადგნენ და სანჯაყების წოდებაც მიიღეს, ბათუმელი აბაშიძეები ზღვისპირა მიდამოებში ფლობდნენ დიდ მამულებს, - გონიოდან დაწყებული ჩაქვამდე (ო.თურმანიძე, 2001:44,58). ბათუმის ანუ გონიოს პირველი სანჯაყებები იყვნენ: აჰმედი³⁰. მეჰმედი (XVI- XVIII სს.-ოდწ., 1987:90,109-110), მუსტაფა³¹. 1729 წლის ცნობით სანჯაყებები ყოფილა აჰმედი (XVI- XVIII სს. - ოდწ., 1987:99).

საკვლევი პრობლემატიკის ანალიზის საფუძველზე შეიძლება გავაკეთოთ დასკვნა:

- ბათუმის ერთადერთ საფორტიფიკაციო ნაგებობას XIX ს-ის 20-იან წლებამდე წარმოადგენდა ბათუმის (თამარის) ციხე.
- სტრატეგიული მდგომარეობიდან გამომდინარე ოსმალები მნიშვნელოვან ყურადღებას უთმობდნენ ბათუმის ციხის გამაგრებას და დაცვის უზრუნველყოფას.
- ბათუმის ციხის სარეკონსტრუქციო სამუშაოები ოსმალებმა ჩაატარეს 1702-1703, 1723-1724 წლებში. 1703 წლიდან ბათუმის ციხეში ჩაყენებული იქნა გარნიზონი. მისი რაოდენობა იცვლებოდა სიტუაციის შესაბამისად.
- გარნიზონი შედგებოდა ოსმალთა ჯარის ხუთი ნაწილისა (ბეშლუიანები, აზაბები, მუსთაფაზები, ჯებეჯიები, თოფჩიები) და სანაპირო დაცვის (იერლუიანები) რაზმისაგან.
- გარნიზონის მნიშვნელოვან ნაწილს შეადგენდა ბათუმის სანჯაყის გამუსლიმანებული მოსახლეობა. ეკავათ წამყვანი თანამდებობები.
- ნაშრომში მოტანილი მასალებიდან ჩანს, რომ გარნიზონის ქართველი მომსახურე პერსონალი გულგრილად ეკიდებოდა მოვალეობის შესრულებას. რაც, მათი მხივ, უნდა ჩაითვალოს ოსმალო დამპყრობთა მიმართ პროტესტის გამოხატულებად.³²
- 1709 წლიდან - 1744 წლამდე ბათუმის ციხისთავები (დიზდარი/ბეგი) იყვნენ თავდგირიძეები. 1744 წლიდან მათ ადგილს იკავებენ შერვაშიძეები.
- საკვლევი პერიოდში ბათუმის/გონიოს სანჯაყებები იყვნენ აბაშიძეები. XIX ს-ის 20-იან წლებამდე სანჯაყების რეზიდენცია მდებარეობდა გონიოში.

შენიშვნები:

1. ფეოდალური ხანის საქართველოს ქალაქების ისტორიის ცნობილი მკვლევარი, პროფ. შ.მესხია ასევე მიუთითებდა: ქალაქის ციხე-ციტადელი, ქალაქის კედლები ფეოდალური ხანის ქალაქების გარეგანი სახისათვის ძირითად დამახასიათებელ ნიშანს წარმოადგენს (შ.მესხია, 1983:610,667).
2. პროფ.შ.მესხიას გამოკვლევით: საქართველოს ქალაქები, მდინარეთა ნაპირებზე ან კიდევე მდინარეთა შესართავებზე იყო გაშენებული. ისინი ქალაქებს წყლით ამარაგებდნენ და რაც მთავარია ფეოდალური ქალაქებისათვის მდინარეები მნიშვნელოვან ბუნებრივ სიმაგრეებს წარმოადგენდნენ“ (შ.მესხია, 1983:607).
3. პორტოლანებზე მსგავსი ტოპოგრაფიული ნიშნითაა გამოსახული საქართველოს ციხე-ქალაქები: ქუთაისი, ახალციხე, სებასტოპოლისი (სოხუმი).
4. XV ს-ის 20-30-იან წლების სამეგრელოს სამთავრო მოიცავდა საქართველოს თითქმის მთელ შავიზღვისპირეთს (ივ.ჯავახიშვილი, 1982:435-436). თავისთავად ბათუმის მოხსენიება საქართველოს შავიზღვისპირეთის მთვარ ქალაქად, მიუთითებს მის დაწინაურებულ მდგომარეობაზე. ასევე, - ბათუმს ჰქონდა მთავარი ქალაქისათვის დამახასიათებელი ციხე-ციტადელი, „გალავანი ქალაქისა“.
5. აჭარის მოსახლეობის მამაცობისა და შეუპოვარი წინააღმდეგობის წყალობით XVIII ს-ში „ბათუმი და მთელი სამუსლიმანო საქართველო ოსმალთაგან იყო დამოუკიდებელი და თავისუფალი“ (ზ.ჭიჭინაძე, 1918:11).
6. 1610-1611 წლებში ოსმალებს მოუხდენიათ ბათუმის ლივას აღწერა. შესაბამისად შეუდგენიათ 1610-1611 წლების ბათუმის ლივას აღწერის დავთარი (ნ.შენგელია, 1974:174).
7. ოსმალური წყაროს მიხედვით ლაშქრობაში ჩართული იყო საზღვაო ფლოტი. „შავი ზღვის მხარეში გონიოსა და ბათუმის რაიონებში დაცვის სამსხურის პირობით გამოიგზავნა 5 სამხედრო გემისაგან შემდგარი ფლოტი “ (ნ.შენგელია, 1987:200).
8. ესედი ყურეში - ოსმალური მონეტის ერთი სახეობა. შეადგენდა 70 ახჩას. ახჩა ოსმალური წვრილი ვერცხლის ფული.
9. ვ.ბატონიშვილის ცნობას არასწორ ინტერპრეტაციას უკეთებდნენ ასევე ლუკა ისარლიშვილი (Исарлов Л., 1899:251); ვლადიმერ ლისოვსკი (Лисовский В., 1886:30); ჟან მურიე (ჟ. მურიე, 1962:32). ამიტომ ისინი ოსმალებს მიიჩნევდნენ ბათუმის ციხის ამგებლებად.
10. ოსმალთა ბატონობის პერიოდში ქალაქის გალავანმა დაკარგა ფუნქცია და დროთა ვითარებაში დაინგრა. ძვ.ბათუმის მოსახლეობა დიდად შემცირდა. ვინც დარჩა დასახლდნენ ციხის ტერიტორიაზე.
11. რაც შეეხება ქ. ჩხატარაიშვილის მიერ ბათუმის ყურეში მითითებულ სიმაგრეს, რომელსაც, - როგორც თავად მიუთითებს, საფუძველი

- 1703 წ. ჩაეყარა (ქჩხატარაიშვილი, 1976:273). უნდა შევნიშნოთ, რომ აღნიშნული ფაქტი არ დასტურდება როგორც ოსმალური თუ სხვა წერილობითი წყაროებით, ასევე საკითხთან დაკავშირებით მატერიალური და არქეოლოგიური მონაცემებით. დეაწლმოსილი მეცნიერის მიერ ბათუმის ყურეში მინიშნებული სასამაგრო ნაგებობა ოსმალებმა ააგეს XIX ს-ის მეორე ნახევარში.
12. ციხის უფროსად დანიშვნამდე მეჰმედს ეკავა გარიზონში მუსთაფაზების რაზმის მეთაურის თანამდებობა. გასათვალისწინებელია, რომ მუსატაფაზები იყვნენ თიმარის კატეგორიის მიწის მფლობელი მეომრები. მას შეადგენდნენ ძირითადად ადგილობრივი გამუსლიმანებული მაღალი წრის წარმომადგენლები. რაც გვაძლევს საფუძველს ვიფიქროთ, რომ მეჰმედი ყოფილა ადგილობრივი წარმოშობის.
 13. XIX ს-ის დამდეგის უცხოურ წყაროებში შერვაშიძეები მოიხსენიებიან ბათუმის კომენდანტებად (ჟ.ფ. გამბა, 1993:263; რ.უზუნაძე, 2001:70).
 14. ჯარის ნაწილების ჩამონათვალი გაკეთებულია წყაროში მითითებული თანმიმდევრობით (იხ.XVI-XVIII ს.ს.-ოდწ., 1987:87).
 15. ოსმალური წესით გვარი არ იწერებოდა. იხსენიებიან სახელით და მამის სახელით. ამიტომ უცნობი რჩება საკვლევ ციხესა და რეგიონთან დაკავშირებით ოსმალურ წყაროებში მოხსენიებული ქართული წარმოშობის პირთა გვარები.
 16. საბა ომერის მამა ალი ყოფილა სერდენგის (ოსმალთა ლაშქრის ერთი კატეგორია) რაზმის მეთაური (ალა). მათ თავსებულაღებულთ უწოდებდნენ. ალი წყაროში მოხსენიებულია „უსამართლო კაცის“ სახელით (XVI-XVIII ს.ს.-ოდწ., 1987:89,281).
 17. აზაბები ძირითადად თავმოყრილი იყვნენ ოსმალთა მიერ დაპყრობილ ამა თუ იმ ციხე-სიმაგრეში, განსაკუთრებით ზღვისპირა ადგილებში (ნ.შენგელია, 1987:255).
 18. გელიქი ხდებოდნენ წარჩინებული მაღალი თანამდებობის პირები. მათ სამხედრო სამსახურის სანაცვლოდ ეძლეოდათ თიმარები.
 19. აჰმედ ბეგი იყო ადგილობრივი წარჩინებული ამის შესახებ ქვემოთ გვექნება საუბარი.
 20. ქისა - ფულის საზომი ერთეული. ერთი ქისა უდრიდა 400 ათას ახჩას
 21. აჭარაში, განსაკუთრებით ხელვაჩაურის რაიონის ტერიტორიაზე, ფიქსირდება გვარები, რომელთა წინაპრები იყვნენ მედოშეები. ამიტომ ოსმალთა დროს შთამომავლები იწოდებოდნენ ბაირაქტაროდლებად, ბეირაქტაროდლებად (ხ.ახვლედიანი, 1944:242-243; რ.უზუნაძე, 2011:46).
 22. საუბარი უნდა იყოს, რომ მუსაბეგი უმეტეს დროს თავის საცხოვრებელ ადგილზე, ოჯახში ატარებდა.
 23. XIX ს-ის 30-იან წლების შუა ხანებამდე, ბეჟანიძეები თავიანთ გავლენას ინარჩუნებდნენ ასევე, ახლად გადმონაცვლებულ, თანამედროვე ბათუმ-ქალაქის ტერიტორიაზე (მ.კასაბი, 2014 :45)

24. ამ უკანასკნელის დანიშვნის შესახებ სულთანის კარზე არზა წარუდგენია ფოთის ციხის უფროსს, ვეზირ მირზა მეჰმედ ფაშას (ნ.შენგელია, 1987:98).
25. იბრაჰიმი უნდა ყოფილიყო ბათუმის გონიოს სანჯაყის მაცხოვრებელი.
26. ერთი ოყა = 1283 გრ.
27. ერთი ქილა = დაახლ. 25 კგ.
28. ყანთარი - წონის ერთეული, დაახლ. 56,4 კგ.
29. თოფი - ქსოვილის საზომი ერთეული უდრიდა 8-10 მ.
30. იგი ფიქსირდება 1712 წ. ოსმალურ დოკუმენტებში (ქ.ჩხატარაიშვილი, 1976:272). 1715 წ. ცნობით სანჯაყებზე ახმედის წლიური გასამრჯელო შეადგენდა დაახლ. 190 ათას ახჩას (ო.თურმანიძე, 2001:44).
31. მუსტაფა ოსმალურ წყაროში მოხსენიებულია ფაშას ტიტულით (XVI-XVIII ს.ს. - ოდწ., 1987:96,137). 1723 წლის ცნობით სანჯაყების თანამდებობაზე, მისი წლიური გასამრჯელო შეადგენდა 3,200 ათას ახჩას (ო.თურმანიძე, 2001:38). მუსტაფა ფაშა საინტერესო პიროვნება ჩანს. ეკავა ქართული ორიენტაცია. როგორც ითქვა მხარი დაუჭირა ზემოთხსენებულ მუსა ბეგის კანდიდატურას, ჯებეჯიების და სანაპირო დაცვის (იერლუიანები) აღად დაენიშნათ წარმოშობით ადგილობრივი ქართველი.
32. საკვლევი პერიოდის ბათუმის მხარეში მოსახლეობის გარკვეული ნაწილი ინარჩუნებდა ქრისტიანობას. სარგებლობის წესით, ქრისტიან ქართველებზე გაცივებულ მიწის ნაკვეთებს ოსმალები ბაშთინებს უწოდებდნენ. როგორც გამოკვლეულია „ბაშთინებით იყო მოფენილი მთელი ბათუმის სანჯაყი“ (ნ.შენგელია, 2009:243). ეკისრებოდათ სხვადასხვა მძიმე გადასახადის გადახდა.

გამოყენებული წყაროები და ლიტერატურა:

1. ხ. ახვლედიანი, 1944. - ახვლედიანი ხ., ნარკვევები აჭარის ისტორიიდან (მე-16 - მე-19 ს.ს.-ები), ბათუმი 1944;
2. Акты, 1868. – Акты (собранные Кавказской археографической комиссией), т. 2, Тифлис, 1868.
3. დ. ბაქრაძე, 1987. - ბაქრაძე დ., არქეოლოგიური მოგზაურობა გურიასა და აჭარაში, ბათუმი, 1987;
4. Берадзе Т., - 1989. - Беридзе Т., Мореплавание и морская торговля в средневековой Грузии, Тб., 1989;
5. ი. ბექირიშვილი, 1991. - ბექირიშვილი ი., როდის დაიპყრეს ოსმალებმა აჭარა? - ჟურნ. „ჭოროხი, ბათ. 1991.N3;

6. ი. ბექირიშვილი, 1996. - ბექირიშვილი ი., აჭარის ისტორია გვარსახელებში, ბათუმი, 1996;
7. თ. თურმანიძე, 2001. - თურმანიძე თ., საადგილმამულო ურთიერთობანი სამხრეთ-დასავლეთ საქართველოში ოსმალთა ბატონობის ხანაში, ბათუმი, 2001;
8. ნ. ინაიშვილი, 2009. - ინაიშვილი ნ., ბათუმი ადრე ბიზანტიურ ხანაში. - ბათუმი (წარსული და თანამედროვეობა) I, ბათუმი, 2009;
9. Исарлов Л., 1899. - Исарлов Л., Письма о Грузии, Тифлис, 1899;
10. ა. კახიძე, დ. ხახუტაიშვილი, 1989 - კახიძე ა., ხახუტაიშვილი დ., მასალები ბათუმის ძველი ისტორიისათვის (წინა ანტიკური და ანტიკური ხანა). - სტკძ., XVIII, თბ., 1989;
11. კ. კვაშილავა, 2015. - კვაშილავა კ., ოსმალთა ბატონობისაგან ბათუმის განთავისუფლების ერთი გეგმის შესახებ. - ბათუმი (წარსული და თანამედროვეობა) VI, ბათუმი, 2015;
12. მ. კასაბი, 2014. - კასაბი მ., XIX საუკუნეში ბათუმის ცენტრში რეკონსტრუქციული საქმიანობა და მოსახლეობა. ბათუმი, (წარსული და თანამედროვეობა);
13. დ. კომახიძე, 1977. - კომახიძე დ., ბათუმი გუშინ, დღეს და ხვალ, ბათუმი, 1977;
14. Леквинадзе В.А. 1973. - Леквинадзе В.А. О постройках Юстиниана в западной Грузии. Византийский временник, 34, 1973;
15. Лисовский В, 1886. - Лисовский В, Чорохский край, Тифлис, 1886;
16. ე. მამისთვალიშვილი, 1980. - მამისთვალიშვილი ე., საქართველო ჰანს შელტბერგერის „მოგზაურობის წიგნში“. - მაცნე (ისტორიის სერია), თბ., 1980, N2;
17. შ. მესხია, 1983. - მესხია შ., ქალაქები და საქალაქო წესწყობილება საქართველოში XVIII ს-ის დასასრულამდე. საისტორიო ძიებანი, ტ. II, თბ., 1983;
18. XVI-XVII ს.ს. ოღწ., - XVI-XVII ს.ს. ოსმალური დოკუმენტური წყაროები. თურქული ტექსტი ქართული თარგმანით, ლექსიკონით და საძიებლებით გამოსაცემად მოამზადა ნოდარ შენგელიამ, წ. I, თბ., 1987;
19. ჟ. მურიე 1962. - მურიე ჟან., ბათუმი და ჭოროხის აუზი, ბათუმი, 1962;
20. ოსმალური დოკუმენტური წყაროები ანაკლიისა და რუხის ციხეების შესახებ (XVII-XVIII ს.ს.). თურქული ტექსტი ქართული თარგმანით, შესავლით, ტერმინოლოგიური ლექსიკონით და საძიებლებით გამოსაცემად მოამზადა ნოდარ შენგელიამ, თბ., 1982;
21. Полиевктов М., 1935. - Полиевктов М., Европейские путешественники XIII-XVIII в.в. по Кавказу, Тифлис, 1935;
22. სცსსა, ფ. 231, ანაწ. I, ს. 29, ფურც. 7;
23. რ. სურმანიძე, 1998 - 2007. სურმანიძე რ., თავდაზნაურობა და მათი ოჯახები ბათუმის ოლქში 1912 წ., ბათუმი, 2007;
24. რ. სურმანიძე, - სურმანიძე რ., ყადირ შერვაშიძე, ბათუმი, 1998;

25. ი. სიხარულიძე, 1962. - სიხარულიძე ი., აჭარის მატერიალური კულტურის ძეგლები, ბათუმი, 1962;
26. ო. სოსელია, 1973. - სოსელია ო., ნარკვევი ფეოდალური ხანის დასავლეთ საქართველოს სოციალურ-პოლიტიკური ისტორიიდან, I, თბ., 1973;
27. რ. უზუნაძე, 1977. - უზუნაძე რ., ბათუმის ისტორიიდან (XIX ს-ის დამდეგი - 70-იანი წლები), ბათუმი, 1997;
28. რ. უზუნაძე, 2001. - უზუნაძე რ., ნაოსნობა ბათუმის ოლქში. ბათუმი, 2001;
29. რ. უზუნაძე, 2013. - უზუნაძე რ., სურმანიძე რ., ზოსიძე ნ., ბათუმი (ისტორია და თანამედროვეობა), თბ., 2013;
30. ლ.ურუშაძე, 1982. - ურუშაძე ლ., ბათუმში ოსმალთა ბატონობის ისტორიისათვის. ჟურნ. „ჭოროხი“, 1982 N2;
31. ვ. ბატონიშვილი, 1973. - ქართლის ცხოვრება, ტ.IV, თბ.1973;
32. ზ. შაშიკაძე, 2009 ~. - შაშიკაძე ზ., ბათუმი XVI ს-ის მეორე ნახევარში. - ბათუმი (წარსული და თანამედროვეობა), I, ბათუმი, 2009;
33. ნ. შენგელია, 1974. - შენგელია ნ., XV-XVIII ს.ს. საქართველოს ისტორიის ოსმალური წყაროები, თბ., 1974;
34. ნ. შენგელია, 2009. - შენგელია ნ., სამცხე-საათაბაგოს და აჭარის მიტაცება ოსმალეთის მიერ. - სდსინ (აჭარა), II ბათუმი, 2009;
35. ნ. შენგელია, 2009. - შენგელია ნ., ოსმალური მიწათმფლობელობის ფორმები აჭარაში XVI-XVIII ს.ს-ში. სდსინ (აჭარა), II ბათუმი, 2009;
36. ე. ჩელები - 1973. - ჩელები ე., მოგზაურობის წიგნი (თურქულიდან თარგმნა, კომენტარები და გამოკვლევა დაურთო გ.ფუთურაძემ), II, თბ., 1973.
37. ქ. ჩხატარაიშვილი, 1973. - ჩხატარაიშვილი ქ., დასავლეთ საქართველო XVIII ს-ის პირველ ნახევარში. სინ, IV, თბ., 1973;
38. ქ. ჩხატარაიშვილი, 1972. - ჩხატარაიშვილი ქ. საქართველოს საგარეო ურთიერთობის ისტორიიდან XVIII ს-ის პირველ მეოთხედში. - საქართველოს ფეოდალური ხანის ისტორიის საკითხები, II, თბ., 1972;
39. ქ. ჩხატარაიშვილი 1976 - ჩხატარაიშვილი ქ. საყურადღებო დოკუმენტი საქართველოს თურქეთის ურთიერთობის ისტორიისათვის. კრ. ძიებანი საქართველოსა და კავკასიის ისტორიიდან, თბ., 1976;
40. ივ. ჯავახიშვილი, 1982. - ჯავახიშვილი ივ., თხზ., ტ. III, თბ. 1982;
41. დ. ხახუტაიშვილი, 1997. - ხახუტაიშვილი დ., ბათუმის ციხე. - საქართველოს ენციკლოპედია, I, თბ., 1997;
42. ნ. ჯაველიძე, 1985. - ჯაველიძე ნ., ოსმალთა ისტორიკოსი ფუნდუკლულუ მეჰმედ ალა დასავლეთ საქართველოს შესახებ. - თსუ შრომები (აღმოსავლეთ მცოდნეობის სერია), ტ. 250, თბ., 1985;
43. ვ. ჯაოშვილი, ი. სიხარულიძე, ა. სურგულაძე, 2009 - ჯაოშვილი ვ, სიხარულიძე ი, სურგულაძე ა, ბათუმი, - საქართველოს ენციკლოპედია, თბ., 2009.

Revaz Uzunadze

Merab uzunadze

*From the History of the Batumi (Tamari) Fortresses
(XVII-XVIII cc)*

Summary

During the period under study Batumi (Tamari) Fortress was the only fortification construction in Batumi. At this time Batumi was conquered by the Ottomans. Because of the strategic position, the Ottomans paid great attention to the strengthening and defense of the Batumi Fortress. The Ottomans conducted the reconstruction works on the Fortress in 1702-1703. From 1703 they have stationed a garrison in the Batumi Fortress. Its number used to change in accordance with the situation along the Black Sea littoral. The garrison consisted of five parts of the Ottoman army and a detachment of coastal guard.

A significant part of the garrison was the local population of Batumi sanjaki that became Muslims. They hold leading positions. The Georgian personnel of the garrison neglected their responsibilities, showing by this their protest against the Ottoman invaders.

ქართული ემიგრაცია საბერძნეთში

ძნელია ემოციის გარეშე ისაუბრო იმ ადამიანებზე, რომლებიც ისტორიული ბედუკუდმართობის გამო საქართველოს პოლიტიკური საზღვრების გარეთ აღმოჩნდნენ. მათ თვალებში აშკარად ჩანს ნოსტალგია და სამშობლოს დაშორებით (თუნდაც დროებით) გამოწვეული ტკივილი, რაც ვერ გაანელა დრომ და მანძილმა. ისინი ცდილობენ შეინარჩუნონ ენა, კულტურა, ტრადიციები, ეთნიკური თავისთავადობა. საქართველოს ხსენებაზე თვალებზე ცრემლი ადგებათ მონატრებისა და სიყვარულის ნიშნად. მათ შორის არიან საბერძნეთში მუდმივ საცხოვრებლად თუ დროებით სამუშაოზე წასული ქართველებიც.

სამწუხაროდ, ოფიციალური მონაცემები, თუ რამდენი ქართველი იმყოფება საზღვრებს მიღმა, უცნობია. ამის ერთ-ერთი ხელისშემშლელი ფაქტორი, არალეგალურად მცხოვრებნი არიან. თუმცა, საქართველოში მიგრაციის მაჩვენებლის ზრდაზე საუბრობენ საერთაშორისო ორგანიზაციებიც.

საქართველოში დარჩენილი ოჯახების სარჩენად საზღვარგარეთ გადახვეწილი ქართველების ძირითადი სამუშაო მოხუცებისა და ბავშვების მოვლა-პატრონობაა. უმუშევარი მამაკაცები ხშირ შემთხვევაში წერილმანი ქურდობით ირჩენენ თავს.

ქართველების საკმაოდ მრავალრიცხოვანი დიასპორაა წარმოდგენილი საბერძნეთში. ქართულთა რაოდენობა საბერძნეთის მთელ ტერიტორიაზე არაზუსტი მონაცემებით, სავარაუდოდ, 150 ათასზე მეტ ადამიანს ითვლის. ქართველები ცხოვრობენ საბერძნეთის თითქმის ყველა ქალაქსა თუ სოფელში, ასევე კუნძულებზე. საბერძნეთში მცხოვრები ქართველები ინარჩუნებენ მშობლიურ ენასა და სარწმუნოებას. საბერძნეთის ქართული დიასპორისათვის განსაკუთრებული მნიშვნელობის მქონეა ქართული კერების (სათვისტომო, კულტურის ცენტრი, საკვირაო სკოლა) არსებობა. სწორედ ამ მიზნით, საელჩოს, დიასპორის საკითხებში სახელმწიფო მინისტრის აპარატის მხარდაჭერითა და საკუთრივ სათვისტომოს ინიციატივით, საბერძნეთის სხვადასხვა რეგიონში შექმნილია დიასპორული ორგანიზაციები.

ქართველ ემიგრანტთა მხოლოდ უმნიშვნელო ნაწილი მუშაობს პროფესიით, ძირითადი ნაწილი კი (აღბათ 90 პროცენტი) მძიმე ფიზიკური შრომითაა დაკავებული. ისინი უარს ამბობენ პირად ცხოვრებაზე, საკუთარ სიამოვნებაზე, სრულად იხარჯებიან მათი ოჯახებისა და შვილებისათვის და სხვისი ნების აღმსრულებელნი და თავისუფლებაჩამორთმეულნი დარდში, ტირილში ატარებენ ბნელ ღამეებს.

საბერძნეთის ტერიტორიაზე არის რამდენიმე ოფიციალურად დარეგისტრირებული სათვისტომო და ორგანიზაცია. საკუთრივ ათენში რამდენიმე ათეული ასეთი ორგანიზაციაა, კერძოდ:

1. ქართველთა სათვისტომო ორგანიზაცია "ოქროს საწმისი" და ქართული გაზეთი „ელადა“ (დამფუძნებელი და რედაქტორი: ანა ყურშავიშვილი);

2. ქართველ ქალთა კავშირი; საინფორმაციო და შემოქმედებითი ჟურნალი „ემიგრანტი ქალი“(თავმჯდომარე: ნუნუ ღურჭუმაღიძე);
3. ქართული გაზეთი "გეორგიანი ეფიმერიდა", ათენის ქართული ინსტიტუტი (დირექტორი: ავთანდილ მიქაბერიძე);
4. ბერძნულ-ქართული გაერთიანება "კავკასია" (თავმჯდომარე: თეოდოროს სტოლტიდი);
5. ბერძნულ-ქართული კულტურული კავშირი- "დიოსკურია"(თავმჯდომარე: ავთანდილ მიქაბერიძე);
6. ათენის განათლებისა და კულტურის ცენტრი "კავკასია" (თავმჯდომარე: ავთანდილ მიქაბერიძე);
7. წმ. ნინოს სახელობის ქართული პოლიფონიური მუსიკის გუნდი (ხელმძღვანელი: ნინო მესხიშვილი);
8. ქართული ხალხური ცეკვების ანსამბლი „კავკასია“ და მისი სასწავლო სტუდია (სამხატვრო ხელმძღვანელი: ეკა გიგოლაშვილი-მაცკარი);
9. კომპიუტერული და თანამედროვე ტექნოლოგიების შემსწავლელი კაბინეტი (ხელმძღვანელი: ბესო ცეცხლაძე);
10. ქართული საბავშვო ბაღი „ანი და ბანი“(ხელმძღვანელი: დალი ბრეგვაძე);
11. ათენის ქართული სკოლა (პედაგოგები: თამარ ტარტარაშვილი და ნატალია ბოჭორიშვილი);
12. ხელთნაკეთი სამკაულების, აქსესუარებისა და დეკორატიული ნივთების დამზადების წრე (ხელმძღვანელი: მაია სააკაძე);
13. ქართულენოვანი რადიო „ივერია“ საბერძნეთის სახელმწიფო არხზე (EPT: „Filia“, FM 106.7) (ხელმძღვანელი: ავთ. მიქაბერიძე);
14. ათენის ქართული ბიბლიოთეკა (პასუხისმგებელი: ნატალია ბოჭორიშვილი);
15. სამედიცინო კონსულტაციები და ლაბორატორიული გამოკვლევები (ექიმები: ირინე მათურელი და გია კვარაცხელია);
16. სათვისტომო-ემიგრანტთა კავშირი „იბერია“ (ხელმძღვანელი: დარეჯან ღამბაშიძე);
17. საბერძნეთ - საქართველოს სტუდენტთა და ახალგაზრდობის ასოციაცია (პრეზიდენტი: ავთანდილ გიუნაშვილი) და მრავალი სხვა.

ასეთივე ორგანიზაციები არის ხანიაში, ნავპლიოში, აგიოს ნიკოლასში, კალამატასა და სხვა ქალაქებში, რომლებიც ეხმარებიან ქართველ ემიგრანტებს პრობლემების მოგვარებაში. დახმარება კი უცხო ქვეყანაში სამუშაოდ წასულ და უსაბუთოების გამო მუდმივად სტრესში მყოფ ქართველებს ნამდვილად სჭირდებათ...

ქართველები მრავლად არიან ჩრდილოეთ საბერძნეთის დედაქალაქად წოდებულ ქალაქ სალონიკში.



ქართული ორგანიზაციებით მდიდარია ეს ქალაქიც, სადაც დარეგისტრირებულია შემდეგი ორგანიზაციები:

1. „თესალონიკის ქართული საზოგადოება „საქართველო“ (თავმჯდომარე ელგუჯა მინაძე);
2. საზოგადოება „თესალონიკის ქართველობა“ (დამფუძნებელი ზაზა სულამანიძე);
3. თესალონიკის ქართული დიასპორის კონფედერაცია (დამფუძნებელი მ. რაზმაძე) (ერმუს ქ. N 23+306996567181);
4. ქართული სათვისტომოები: „ივერია“ (დამფუძნ. დიმიტრი კეკელიშვილი);
5. „ახალი საქართველო“ (დამფუძნ. ზოია სულხანიშვილი);
6. ხელოვნების მუშაკთა ასოციაციები, ქორეოგრაფიული ანსამბლები („კოლხი“, „ფესვები“, „მამული“...);
7. ლიტერატურული გაერთიანებები და საკვირაო სკოლები და ა. შ.

არაზუსტი მონაცემებით სალონიკში 15 ათასზე მეტი ქართველი ცხოვრობს. „ცხოვრობს“ - პირობითი ნათქვამია, რადგან მათი დიდი ნაწილი ნამდვილ ჯოჯოხეთშია. მათ იქ ცხოვრებას თან ახლავს თავდაუზოგავი შრომა (დამლაგებლად, მოსამსახურედ, ბავშვებისა და მოხუცების მომვლელად), დამცირება და შეურაცხყოფა. ბევრი მიგრანტი ქუჩაში გამოსვლასაც ერიდება, რადგან არაღებულურადაა შესული ქვეყანაში და მუდმივი დეპორტის საფრთხის წინაშე დგას. სწორედ ამიტომაც იქ ხშირი პატრულის რეიდები. ვისაც არ აქვს საბუთები, იჭერენ, შემდეგ კი ჯარიმის გადახდის შემთხვევაში უკან უშვებენ ან სამშობლოში აბრუნებენ.

საბერძნეთის „ქართველ მონებს“ იშვიათად აქვთ დასვენების უფლება. თუ კი ასეთი დღე გამოუჩნდებათ, ცდილობენ ერთდღიანი სამუშაო იშოვონ. ქართველთა ნაწილი გაურბის ერთმანეთს შეხვედრას, მეორე ნაწილი კი ზოგჯერ ახერხებს თავშეფრას, რათა ერთმანეთს დარდი და სიხარული გაუზიარონ. აქ დარჩენილ ქართველებს ჰგონიათ, რომ უცხოეთში ფული ციდან ცვივა და იოლად შეუძლიათ გამდიდრება. ეს ნამდვილად არაა ასე. ამაში დარწმუნდება ნებისმიერი ქართველი, ვისაც უცხოეთში გადახვეწილ თანამემამულესთან შეხვედრის შესაძლებლობა ექნება.

მართლაც მძიმე ყოფილა საშოვარის საძებრად სამშობლოსაგან შორს გადახვეწილ ქართველ ემიგრანტთა ბედი. როცა მათთან საუბრობ, კარგად გრძნობ, რა ზუსტად ასახავს ქართული ფილმი „წუთისოფელი“ მათ განწყო-

ბას. უმეტესი ნაწილი აქ უკვე 20–25 წელია ცხოვრობს, მაგრამ საქართველოში ერთხელაც კი ვერ ჩამოსულან, რადგან უკან ვეღარ დაბრუნდებიან. ვინ რას აკეთებს და ვინ კიდევ რას. უმრავლესობა წესიერად და პატიოსნად ცხოვრობს. დიდად მაინცა და მაინც თითქოს არ უჭირთ, მაგრამ არცერთი არ გრძნობს ბედნიერად თავს. ნოსტალგიით ცხოვრობენ. ნოსტალგია, ეკლესია, ქართული ტელეარხები, სკაიპი და ახლობელთა სურათებია მათი ყველაზე დიდი სულიერი საზრდო. ბევრი ოჯახითაა ჩამოსული, ბევრიც კიდევ. მარტო, ეულად ...

წლების მანძილზე მრავალ ემოგრანტ ქართველთან გვქონდა და ამჟამადაც გვქვს ახლო ურთიერთობა. მათ შორის არიან სალონიკელი ქართველებიც. სალონიკს 2015 წლის 6 აპრილს ევწიეთ ევროკავშირის საგრანტო პროექტის „MEMOROW“-ს ფარგლებში. ჩვენი პირველი მასპინძლები თბილისიდან წასული მირიანი და ბოლნისელი მამუკა... იყვნენ. მირიანი დიდის 6 საათზე დაგვხდა ქალაქის ცენტრში, არისტოტელედ წოდებულ მთავარ მოედანზე. წვიმიანი ამინდის მიუხედავად, ბატონი მირიანი მთელი დღის განმავლობაში (ბატონ მამუკასთან ერთად) არ მოგვშორებია მანამდე, სანამ არ დაგვაბინავა. ბედად, ისევ გადახვეწული ქართველი ქალბატონის მანანა წერეთლის ბინაში მოვხვდით. ქართველებთან შეხვედრით გახალისებულმა ქალბატონმა მანანამ სიამოვნებით დაგვითმო საცხოვრებელი და შემდეგ დღეებშიც არ მოუკლია ჩვენთვის მზრუნველობა და მხარდაჭერა.

საბერძნეთში ჩვენი იქ ყოფნის განმავლობაში მრავალ ადამიანთან შეხვედრის შესაძლებლობა მოგვეცა. შევხვდით ისეთებსაც, რომლებიც მათი სამშობლოს - საქართველოს მიმართ აბსოლუტურად გულგრილნი გვეჩვენა. ანაზღად ჩაგვესმის გულისტკივილით ნათქვამი მათი სიტყვები: „მარტო ჩვენ კი არ უნდა გვიყვარდეს სამშობლო, სამშობლოსაც უნდა ვუყვარდეთ ჩვენი“.

მეტად შთამბეჭდავი აღმოჩნდა ჩვენი შეხვედრა 1990-იან წლებში საქართველოდან გადახვეწილი, დებივით შეზრდილი ორი ქალბატონის ეკასა და დოდოს „ოჯახში“. ქალაქის ცენტრიდან ორიოდ კოლომეტრზე მდებარე საცხოვრებელი კორპუსის მეოთხე სართულზე უქირავებიან ერთოთახიანი ბინა. ალაგებენ სახლებს და უფლიან მოხუცებს. ქალბატონი დოდო სამსართულიანი სახლის მოვლა-დალაგებაში გასამრჯელოდ იღებს 400 ევროს. პარალელურად უფლის მოხუცს, რაშიც 300 ევროს უხდიან. ამ თანხის დიდ ნაწილს თავის ახლობლებს უგზავნის საქართველოში.



სწორედ ამ ქალბატონებმა მიგვიპატივეს მათთან მე, კახაბერ სურგულაძე, თემურ ავალიანი და მარინე არაშვიძე. შეხვედრა მეტად ემოციური იყო და გულთბილ ვითარებაში ჩაიარა. გაიშალა ქართული სუფრა. თითოეული ჩვენგანი თავს მშობლიურ საქართველოში ვგრძნობდით. საუბარი შეეხო ჩვენს ტრაგიკულ ისტორიას, ქართველთა მიმე ხვედრს, ბედუკულ-მართობის შედეგად უცხოეთში გადახვეწილ ადამიანთა ტრაგიკულ თავგადასავალს. თითოეული მათგანის ბედი ცალკე აღებული ორიგინალური ისტორია, ჩვენი ქვეყნის შესაბამისი პერიოდის ისტორიის ერთგვარი სარკეა. ალბათ, ეს დღეც მოვა და დაინტერესდება ვინმე უახლესი ისტორიის ქართული ემიგრაციის ფენომენით. ამ სურათებზე ჩვენი მასპინძელი ქალბატონების - ქალბატონ დოდოსა და ქალბატონ ეკასთან ერთად წარმოდგენილნი არიან ჩვენი პირველი გზამკვლევეები და მასპინძლები: ბატონი მირიანი და ბატონი მამუკა. ეს ქალბატონები 70-ს უახლოვდებიან, 25 წელია აქ არიან. ქალბატონ დოდოს მარტოს მოუხდა ცხოვრების ამ გზის გავლა. ოჯახი ვერ შექმნა, მაგრამ საკუთარ ძმისშვილებს იქედან უდგას მხარში. მეორე, ქალბატონი ეკა, არც თუ ისე მცირერიცხოვანი ოჯახის პატრონია, მაგრამ ზოგი მათგანი ძალიან ადრეულად ადრეულ ასაკში, უდროოდ ყავს დაღუპული. დარდის გასაქარვებლად თითქოს მხიარულად მოაქვს თავი, რათა თავისი მწუხარებით სხვებს განწყობა არ „გაუფუჭოს“, მაგრამ თვალეში აშკარად ჩანს უდიდესი სევდა, გულისტკივილი და მწუხარება. ვხვდებით, რატომ უბრწყინავდათ თვალეები ჩვენი დანახვისას და რატომ გვიკრავდნენ ასე თბილად გულში. ვფიქრობდით, როგორ შეიძლებოდა ასე ძალიან ვყვარებოდით სრულიად უცნობ ადამიანებს. მივხვდით, მათი ასეთი ემოციების მიზეზი - ჩვენი დანახვისას მათ თავიანთი შვილები და ახლობლები ახსენდებოდათ და იმედი უჩნდებოდათ, რომ მალე დადგებოდა მათთვის უსაყვარლეს ადამიანებთან შეხვედრის დღე.

ქართველ ემიგრანტ ქალებთან ურთიერთობისას მაქსიმალურად ვცდილობდით მშვიდად ვყოფილიყავით და ჩვენი განცდები არ გამოგვეჩატა. ძნელი წარმოსადგენია გააცნობიერო მატერიალური გაჭირვების გამო იძულებით საკუთარი ოჯახის მიტოვება და სამუშაოდ სხვა ქვეყანაში წასვლა. ეს საშინელი ტრაგედიაა, მაგრამ უმეტესობას, ალბათ, არ უნახავს იქ მყოფი ემიგრანტების თვალეები, რომლებიც ყოველთვის ცრემლით ივსებოდა ჩვენი დანახვისას. წამოსვლისას ისინიც ისევე დარდობდნენ ჩვენზე, როგორც საკუთარი მშობლები.

წარმოდგენაც ძნელია, როგორ ძლებენ ემიგრანტი ქალები უცხო ქვეყანაში, თუმცა, ფაქტია, რომ უამრავი ქართველი დედაა იქ და თუ რამე აძლებინებთ, ეს შვილების, ოჯახის სიყვარულია, რომელთა უმეტესობა მალევე ივიწყებს მათ და მხოლოდ ფულის გამო უხარიათ მათი არსებობა. ფულის გამო უხარიათ ქმრებს ცოლების წასვლა საზღვარგარეთ და ფულის გამო უხარიათ ნათესავებსაც. ძალზე მცირეა იმ ადამიანების რაოდენობა, რომლებსაც გული შესტკივთ საბერძნეთში მყოფ მშობლებზე. ფაქტის უტყუარებას არ ვახდენთ, მაგრამ ეს ყველაფერი მართლაც ასეა და უამრავი მსგავსი მაგალითია ცნობილი.

საუბარი შეეხო ზოგიერთი ქართველის მიერ ჩადენილ უღირს საქციელსაც, საკუთარ სამშობლოს ასე ურცხვად რომ უტყუენ სახელს. ზოგიერთი ქართველი ქართველის უბედურების ხარჯზე ცდილობს ხელის მოთბობას. ბევრისთვის უცხო არაა უმადურობა, ქურდობა და ყაჩაღობა. ზოგიერთებს ქურდული მენტალიტეტის დამკვიდრებაც კი უცდიათ. სამწუხა-

როდ ცხოვრების წესად ქცეულა სალონიკში მყოფი ქართველების ქიშპობა და გაუტანლობა. გულდასაწყვეტია, რომ ხშირ შემთხვევაში სამშობლოდან შორს მყოფი ქართველები ერთმანეთს გვერდში დგომის ნაცვლად მტრობენ და ფულს ძალავენ. ამიტომაც არ მივირს ბერძნების მკვეთრად გამოხატული უარყოფითი დამოკიდებულება ქართველი ემიგრანტების მიმართ. ნიშანდობლივად გვეჩვენა მათ მიერ მოთხრობილი სევდიანი ისტორია, როცა ერთ-ერთმა ბერძენმა 88 წლის ხაბი იოანიდისმა საკუთარ ოჯახში შეიკედლა მურად (თუ მარად) არხოშაშვილისა და ფიქრია არხოშაშვილ-ოკმელაშვილის სამშვილიანი ოჯახი. მთელი ოთხი წლის განმავლობაში საკუთარ ლუკმას უყოფდა, მშობლიურ მზრუნველობას არ აკლებდა ბედისაგან ჩაწიხლულ ადამიანებს, თუმცა მათმა უმადურობამ ჩვენი მასპინძელი ქალბატონებიც აღაშფოთა. მათ არ დაუშურებიათ თბილი სიტყვები ბატონი ხაბის მიმართ, რომელიც მოიწვიეს ჩვენთან სუფრაზე და მასთან გაცნობის შესაძლებლობა მოგვცეს. ბატონმა ხაბიმ ამის შესახებ საუბარი არ ისურვა, თუმცა შეგვპირდა, რომ მაისში აუცილებლად წაგვიყვანდა საკუთარ „დაჩაზე“, ეენახის ბაღში და გაგვიმასპინძლდებოდა. ჩვენ იმ უმადური ქართველების ნაცვლად ბოდიში მოვუხადეთ კეთილშობილ ადამიანს და მადლობა მოვახსენეთ ქართველების მიმართ გამოჩენილი მზრუნველობისა და თანადგომისათვის. რას იზამ, დადებითი ემოციებთან ერთად დამთრგუნველი ფაქტების მომსწრეც გავხდით.



ჩვენი მასპინძლები საკმაოდ განათლებული ქალბატონები აღმოჩნდნენ. საუბრის თემატიკაც მეტად მრავალფეროვანი იყო: ქართული ხელოვნება, კულტურა, ლიტერატურა, ისტორია, ღვაწლმოსილი ადამიანები და სხვა საკითხები, თუმცა მთავარი მაინც ჩვენი ტრაგიკული ისტორია იყო. ქალბატონმა დოდომ გაიხსენა საქართველოდან საბერძნეთში წასვლის პერიოდი, გაიხსენა ისიც, როგორ ცდილობდა სარფის საბაჟო გამშვებ პუნქტში შემხვედრი ერთ-ერთი ქართველი ტაქსისტი გაუბედურებული ქალის ხარჯზე ხელის მოთბობას. ქალბატონმა დოდომ მადლიერებით გაიხსენა მეორე ქართველიც, რომელმაც გაჭირვებაში ჩავარდნილი ქალბატონის გასაჭირი

გულთან ახლოს მიიტანა და 100 დოლარიც აჩუქა უცხოეთში ბედის საძიებლად მიმავალს, თუმცა თავმოყვარე ქალბატონმა ვერ იკადრა ამ ფულის აღება.

როგორც ითქვა, ქართველ ემიგრანტებს ჩამოყალიბებული აქვთ სათვისტომო-საზოგადოებები, კულტურულ-საგანმანათლებლო ფონდები, შემოქმედებითი კავშირები, ისინი დიდ ინტერესს იჩენენ ქართული კულტურის, ისტორიის, ფოლკლორის შესწავლისადმი, სათვისტომოებში მოქმედებს ქართული ფოლკლორული ანსამბლები. ჩვენი ვალია დავეხმაროთ ასეთ ქართველებს, მოვეფეროთ და გულში ჩავიკრათ ისინი. ამ რწმენით დაეშორდით ქართველ ემიგრანტებს და უდიდესი შთაბეჭდილებებით დატვირთულემა გამოვეშურეთ საქართველოსაკენ იმ იმედით, რომ კვლავ მოგვეცემა მათთან შეხვედრის შესაძლებლობა.

***Махаджирство абхазов:
миграционные и социально-политические аспекты***

На всем протяжении многовековой истории цивилизации процесс миграции выступает как неотделимая составная часть жизни народов, способом и возможностью существования людей в быстро развивающемся мире. Фактически, вся история человечества представляет собой историю миграции, под ее влиянием формировались регионы и государства, развивалась социальная структура общества, экономическая, политическая и культурная сфера жизни. Миграция людей представляет, в первую очередь, неотделимую часть общественных отношений, а с другой, показатель проблем во всех сферах жизни.

Общеизвестно, что не бывает абсолютной неподвижности населения, как и полной его изоляции. С древних времен люди группами и в одиночку переходили с места на место, переселялись в дальние края. Однако абхазы, как и многие кавказские народы, в целом не отличались миграционной активностью, за исключением вынужденного махаджирства в XIX веке.

Однако, нельзя утверждать, что вообще не было никаких передвижений. Следует отметить, что не столь частые миграции в абхазском социуме, имели место. В основном они происходили в пределах своей этнической территории. Здесь необходимо выделить несколько моментов: среди горских народов Кавказа бытовало такое понятие как гостевание. Это когда пастухи, которые приходили зимовать из Северного Кавказа на Южный или наоборот, оставались на постоянное место жительства. Очевидно, в одной этнической среде эти передвижения были легче и безболезненны, т.к. они не встречали особого языкового барьера, т.е. передвижения носили внутриэтнический характер. Например, у абхазов было несколько причин переселения на Северный Кавказ: дефицит пастбищных угодий (именно горных), засухи, природные катаклизмы. Также необходимо отметить, что «большую роль в сдерживании переселения играли традиционные общественные формы и связи, религиозные представления и родовые отношения (хотя, с другой стороны, тот же традиционализм, в особенности обычай кровной мести, выступал иногда причиной одиночных и даже групповых переселений). Этнические факторы миграций — язык, быт, духовная и материальная культура, обычаи, привычки, навыки, одним словом, комплекс ценностей и ориентаций в общественной и бытовой сфере, обхватываемых термином «абхазство» (апсуара), были основными факторами традиционно малой миграционной активности абхазов. Но всего этого оказалось совершенно недостаточно для сохранения этнической монолитности в собственной

стране. И волею неумолимых исторических судеб, в течение очень короткого промежутка времени карта национального состава населения Абхазии оказалась в корне перекроенной».

Миграция, как социокультурное явление является носителем как конструктивного, так и деструктивного начала. С одной стороны, она способствует развитию социума, с другой – часто является одной из самых острых и трагичных моментов его истории.

Деструктивного характера миграцией было махаджирство начатое в XIX веке, в основном, насильственное переселение кавказских народов в страны Ближнего востока.

Слово «махаджир» на арабском языке означает «вынужденный переселенец». Оно, в первую очередь, связано с переселением Пророка Мухаммеда и его сподвижников из Мекки в Медину. События XIX века на Кавказе придали этому слову новую нагрузку – например, в абхазском языке этот термин (амхаджыр) приобрел значение «беженец, изгнанный с родины». Часто в связи с данным процессом употребляют термин «хиджра», что значит переселение из одного места на другое. В качестве религиозного термина, слово «хиджра» используется в случаях переселения верующих, которых угнетают на своей родине и лишают свободы вероисповедания.

Тысячи абхазов были вынуждены покинуть свою родину. Выселялись в основном борцы против русского присутствия в регионе, те, кто неоднократно поднимал восстания против царской России и поддерживал протурецки настроенных абхазских князей. В 1866 году прошла самая крупная волна махаджирства в связи с антирусским восстанием, охватившим больше половины территории Абхазии. За оружие взялись более 20 тысяч человек, которые в 1867 году были высланы в Турцию. Уже в 1808 году, а потом к завершению войны - в 1862 г. в Петербурге была создана специальная комиссия по кавказскому вопросу, основными положениями которой были следующие пункты:

1. Полностью очистить Кавказ от оружия и продолжать военные действия до тех пор, пока будет оказываться вооруженное сопротивление.
2. Заставить горцев спуститься с гор на равнину, т. к. в горах они очень искусны в ведении боевых действий. А живя на равнине, они со временем утратят свои боевые способности.
3. Вынудить горцев покинуть родные земли и переселиться в Турцию.
4. Колонизировать Кавказ лояльным и благонравным населением, чтобы растворить в нем коренное население.

Начиная с 1866 г., после упразднения Абхазского княжества и Лыхненского восстания, жизнь всего абхазского народа, и в особенности сохранившей мусульманское вероисповедание части, становится все более

тяжелой. Один из самых вопиющих при этом фактов - придание всему абхазскому народу статуса «виновного», ставящего в вину простым людям то, что они хотели спасти свою родную землю от власти царских интервентов и сохранить свободу. Ярлык «виновных» еще долго будет тяготеть над абхазами, а чиновники царской администрации использовать это обвинение при любом случае.

Однако, причиной массового переселения абхазов была не только агрессивная политика царизма. Отдельным и особенно важным мотивом переселения стала турецкая пропаганда. На провокационную роль Османской империи, заинтересованной в получении для своей слабеющей армии боеспособных, а главное, ненавидящих Россию и христиан горцев, указывает, например, французский историк Эрик Осли в своем труде «Покорение Кавказа». В разделе под многозначительным названием «Великий исход» автор дает следующую трактовку причин и идеологических источников махаджирства: «Идея о том, чтобы просить убежище на землях турецкого султана, предводителя правоверных, родилась у самих кавказских религиозных деятелей. Некоторые духовные лидеры призвали правоверных уйти из-под власти неверных и попытаться найти прибежище у братьев по вере. Они опасаются, что русские заставят их нарушать мусульманские заповеди и тем самым обрекут на вечное проклятие». В работе Э. Осли приводятся интересные свидетельства современников, выявляющие подлинную мотивацию «единоверной» Турции, – в частности, слова польского военнослужащего Теофиля Лапинского, воевавшего в составе черкесских отрядов против русских войск: «...для привлечения черкесов и татар из Крыма и Казани в Турцию развернута мощная пропагандистская кампания».

На провокационную деятельность части исламского духовенства, ведущего пропаганду переселения в единоверную Турцию, обращали внимание и многие другие историки. Эта деятельность стала предметом забот царской администрации. Некоторые представители мусульманского духовенства были высланы с данной территории, после чего число переселенцев резко сократилось.

Немало важную роль в массовой миграции абхазского народа сыграли, возглавившие переселение, местные князья и дворяне. По мнению историка Г.А. Дзидзария, «патриархальные отношения, тяготение вековой традиции, маскировавшие действительно сословные отношения, приводили к тому, что если «влиятельное» лицо переселялось в Турцию, то за ним следовали не только близкие люди и вообще родственники, но и многие псевдородственники... и зависимые крестьяне». Другой историк В.В. Дегоев в своем труде «Кавказ и великие державы в 1829-1864 гг. Политика, война, дипломатия» писал, что «вдохновители грандиозной кампании переселения,

опирались, прежде всего, на настроения ... знати, которую волновали не столько военные или политические проблемы, сколько личные социально-экономические перспективы при русской власти».

Согласно научным данным, число покинувших Абхазию до конца XIX века, составило 180 тысяч человек. Для абхазского этноса, по общим количественным показателям, это была демографическая катастрофа.

В целом, для малочисленного абхазского народа трагический период махаджирства – изгнания или бегства с родной земли приобрел характер и масштабы не только демографической, но и национальной катастрофы. Результатом вынужденной эмиграции стало появление в ряде стран Ближнего Востока – в пределах прежней Османской (Османской) империи – многочисленной абхазской диаспоры. Попав на чужбину, абхазы стали называть вновь обжитые места старыми именами. Так, около Измита есть Ачандара, Аацы, Дудрипш, Лыхны.

Согласно данным турецко-адыгского исследователя Бытырая Ёзбека (Batiray Ozbek) опубликованным в коллективном труде «Этнические группы в Республике Турция», сейчас в Турции имеется около 900 сел с абхазским населением (Andrews, 1967). Уровень сохранения абхазского языка в различных областях Турции различен. Он пока высок в больших абхазских селах, и намного слабее в маленьких или этнически смешанных поселениях. В таких провинциях, как Биледжик, Болу, Бурса, Дюздже и Сакаръя, абхазский язык еще хорошо известен людям старше тридцати лет, а в провинциях Самсун, Синоп и далее на северо-восток процесс языковой ассимиляции более очевиден. В целом, старшее и среднее поколение абхазов отлично владеют родным языком и пользуются им в общении друг с другом.

Абхазы сегодня проживают в 40 странах мира. Только в Сирии абхазо-адыгская община составляет восемь тысяч человек, чуть меньше проживают в Иордании. Абхазские диаспоры имеются также в Швейцарии (в основном в районе Цюриха), Нидерландах (в основном в районе Роттердама и Амстердама), Великобритании (в основном в Лондоне), Бельгии и Франции (в окрестностях Страсбурга). Меньшее число переехало в Америку, Канаду и Австралию.

Использованная литература:

1. Хорава Б. К. Махаджирство 1867 года в Абхазии Тб., : Артануджи, 2004;
2. Дегоев В.В. Кавказ и великие державы 1829-1864 гг. Политика, война, дипломатия. М.: Рубежи XXI, 2009;
3. Инал-ипа Ш.Д. Зарубежные абхазы. (Историко-этнографические этюды), 1990.

4. Дзидзария Г.А. Труды, 1990;
5. Осли Э. Покорение Кавказа. Геополитическая эпопея и войны за влияние. М.: Плюс-Минус, 2008;
6. Шинкуба Б.Б. Народы Западного Кавказа и Османская империя во второй половине XIX – первой половине XX вв. Махаджирство и его последствия // Кавказ: история, культура, традиции, языки, 2004;
7. Татарба А. Ислам в Абхазии (взгляд сквозь историю)», 2008.

Natalia Lazba

Abkhazian Mukhajirs: migration and socio-political aspects

Summary

Throughout the long history of civilization, the migration process acts as an integral part of the life of nations, as a way of human existence in a rapidly developing world. In fact, the whole history of mankind is a history of migration by the influence of which regions and states formed, social structure developed as well as economic, political and cultural spheres of life. Migration of people is first of all an inseparable part of social relations and on the other hand, an indicator of problems in all spheres of life.

It is well-known that absolute immobility of population cannot occur as well as its complete isolation. Since ancient times, people in groups and alone went from place to place, moved to distant lands. However, Abkhazians like many Caucasian nations did not show much migration activeness with the exception of forced Mukhajiropa in the XIX century.

ძველი ნასოფლარი ჰანაკის რაიონში

**ნაშრომი შესრულებულია საგრანტო პროექტის (F R/196/2-105/14)
„არტაანის ქართული კულტურული მემკვიდრეობის ძეგლები“-ს
ფარგლებში)**

ბუნებრივ-გეოგრაფიული პირობებისა და მიკროკლიმატის განსხვავება-კონტრასტულობა უხსოვარი დროიდან ადამიანისათვის სხვადასხვა საცხოვრებელ გარემო პირობებს ქმნიდა. აღნიშნულმა ფაქტორებმა ხელი შეუწყო თანამედროვე და ისტორიული საქართველოს საკმაოდ მცირე ტერიტორიაზე დასახლების ტიპებისა თუ სხვადასხვა ტიპის საცხოვრებელი ნაგებობების წარმოშობა-განვითარებას (ადამია ი., 1967:3). ამ თვალსაზრისით განსაკუთრებულ ინტერესს იწვევს **ჰანაკის რაიონის სოფელი აფჯილარი** (არტაანის პროვინციაში). საისტორიო საბუთებში იგი ქვ. ჰანაკის სახელით მოიხსენიება (აფჯი//მონადირე). ჩვენთვის საინტერესო ნასოფლარი მდებარეობს სოფლის ცენტრიდან 0,5 კმ-ს მოშორებით, მდ. თემისწყლის (ეხლ. აფჯილარის წყალი) სანაპიროზე.



მდ. თემისწყალი //აფჯილარისწყალი

მოხრობელთა ერთი ნაწილი ნასოფლარს **თემი-ს** სახელით მოიხსენიებს. ნასოფლარში შემონახულია ძველ საცხოვრებელთა საძირკვლის ნაშთები, რომლებიც ჩვენი ვარაუდით გვიანდელ შუასაუკუნეებს უნდა განე-

კუთვნებოდეს. შესაბამისად დასახლება მიწურბანიანი სახლებით უნდა ყოფილიყო წარმოდგენილი.



საძირკვლის ნაშთები (თემი)

სოფელი გაშენებული იყო თემისწყლის ორივე ნაპირზე, თუმცა ძირითადი დასახლება მარცხენა სანაპიროზე ყოფილა, რაც ვიზუალურადაც კარგად ჩანს.



თემი, ნასოფლარი

ნასოფლარი მთებს შორის ვაკე და თანმიმდევრული შეფერდების მდებარეობაზე იყო გაშენებული. სოფლის ორივე მხარეს მთებია, ხოლო ხეობა სოფელში შესასვლელსა და გასასვლელში ვიწროვდება და ქმნის ოთხივე მხრიდან მთებით შემოსაზღვრულობის შთაბეჭდილებას. მთებს შორის, ტაფობზე, მდინარის ვაკე ზედაპირსა და მარცხენა სანაპიროს შეფერდებაზე ყოფილა გაშენებული სოფელი. ჩრდილო-დასავლეთიდან, შემადგენულ გორაკზე არის ყიშლა - ყონადის (ეხლ. აფჯილარის) ციხე. მცენარეული საფა-

რი თითქმის არაა, თუ არ ჩავთვლით ბუჩქოვანი და ფოთლოვანი მცენარეების უმნიშვნელო რაოდენობას.

საინტერესოა სოფლის ძველი სახელწოდება „თემი“. იგი დასახლების ერთეულისა და ორგანიზაციული სტრუქტურის მიმანიშნებელ ტოპონიმად გვესახება. ერთ-ერთი მთხრობელის ინფორმაციით, „ადრე აქ ქართველებს უცხოვრიათ, თურქები მათი წასვლის შემდეგ მოვიდნენ (თუმცა ახლა უმრავლესობა ქურთების შთამომავლები უნდა იყვნენ), ეს ციხეც „გურჯი უსტას“ აშენებულია“. ქართველების ცხოვრების კვალს ადასტურებს სოფ. ჩაიადაზის (ძვ. ორადაზი) მცხოვრები ერთ-ერთი რესპონდენტი. მთხრობელის თქმით მისი აბლა (ბიცოლა) გურჯი ყოფილა. ამჟამად ამ სოფელში ცხოვრობენ აქთაშები, ოჯახები, იურთები, თაშდემები, ქილიჩები, ქომურჯები, გუნდუზები, აქფაები და სხვა საგვარეულოს წარმომადგენლები.



მთხრობელი იბრაიმ ჩობანი

მთხრობელთა მეორე ნაწილი უარყოფს ქართველების აქ ცხოვრების კვალს და არც „თემს“ ადასტურებს სოფლის სახელწოდებად. მათი ინფორმაციით ამ ნასოფლარს ადრე ესკი ქოი/ყიშლა ჰქონდა ერქვა. „მიწისძვრის შემდეგ გადავიდნენ საცხოვრებლად ამჟამინდელ ავჯილარში იქ მაცხოვრებლები“. რესპონდენტი ნასოფლარს „სოფლის სასაფლაოების“ სახელით მოიხსენიებს, ციხის აშენებას კი რუსებს მიაწერს (მთხრობელი სინამ ჩახმახი).

როგორც ჩანს, მათი კულტურული მეხსიერება შორს ვერ მიდის. რეგიონის დემოგრაფიული სურათის შეცვლის შემდეგ მათ მეხსიერებაში ქართველების ცხოვრების კვალი წაშლილია.

სოფელ ავჯილარში ამჟამად 70-მდე ოჯახი ცხოვრობს. გავრცელებული გვარებია: ჩობანი, აიდენირი, იშაკი, ქემბრიქი, ოზთურქი, აილამირი, თოროდლუ. რესპონდენტი იბრაიმ ჩობანის თქმით მისმა წინაპრებმა იცოდნენ ქურთული, მაგრამ ეხლა მათ აღარ იციან და თავს თურქებად მიიჩნევენ. მთხრობელები რატომღაც ერიდებიან მათი ქურთული წარმომავლობის და-

ფიქსირებას, რაც ცხადია, ამჟამინდელ პოლიტიკურ პროცესებთან უნდა იყოს დაკავშირებული.

საინტერესოდ გვესახება იქაურთა **კულტურული მემკვიდრეობის საკითხები. ამ თვალსაზრისით საინტერესო მასალები ჩავიწერეთ** კოდისწყაროსა და ჭინჭრობაში. მოსახლეობაში ფართოდაა გავრცელებული მეტსახელები: **ქორ ისმაილი, დამაჩი, თოსაბერგილი, ობოლი** და ა. შ. ზოგიერთი მეტსახელის ქართული მნიშვნელობა მათთვის უცნობია, თუმცა ადასტურებენ, რომ მეტსახელები „ფოსოვიდანაა წამოღებული“.

ჭანჭრობელებს და კოდისწყაროელებს სრულყოფილი წარმოდგენა არ აქვთ თარაქამებზე, რომლებიც არტაანის რამოდენიმე სოფელში ცხოვრობენ. ისინი თვლიან, რომ თარაქამები თურქული მოდგმის ხალხია, ოღონდ **„ცოტა განსხვავებული“**, ყარაფაფახელები კი ჩილდირის რაიონში ცხოვრობენო.

მთხრობელთა გადმოცემით, აქ ადრე სომხები/ერმენები ცხოვრობდნენ, მაგრამ ვერ ხსნიან მიზეზს, თუ რატომ ჰქვია სოფელს ქართული სახელი. იქაურები საკუთარ თავს მიაკუთვნებენ თურქებს.

მთხრობელთა მეორე ნაწილი ადასტურებს ამ სოფლებში ქართველების ცხოვრების კვალს. იმასაც აღნიშნავენ, რომ ათათურქის მოსვლამდე გურჯების მიერ აშენებული ეკლესიის ნანგრევებზე ააშენეს დღეს არსებული მეჩეთიო.

კოდისწყაროელები და ჭინჭრობელები ადასტურებენ მათი წინაპრების „ახისკიდან ფოსოვში, ფოსოვიდან კი არტაანში“ მოსულობას. გადმოსახლების მიზეზად ასახელებენ ომებს. როგორც ცნობილია, რუსეთ-თურქეთის ომებს თან ახლდა მოსახლეობის ადგილმონაცვლეობა. 1828-1829 წწ. ომის შემდეგ, ქრისტიანების რეგიონში დამკვიდრების შიშით მოსახლეობა, როგორც ჩანს, გადასახლდა ამ რეგიონში. ერთმა მთხრობელმა გადმოსახლების თარიღად 1877-1878 წწ. ომი დაასახელა: „ამ ომის შემდეგ გამოვიქცით ვალედანო“, აღნიშნა რესპონდენტმა. იმ დროისათვის ისინი მუსულმანები იყვნენ. როგორც ცნობილია, ახალციხეში ცხოვრობდა შერეული მოსახლეობა: ყარაფაფახელები, თარაქამები, გამუსლიმანებული ქართველები და ა.შ. სწორედ მათი შთამომავლები უნდა იყვნენ ამ სოფლების მაცხოვრებლები.

აღნიშნული მოსაზრება კიდევ უფრო გააამყარა **ზემო ჭინჭრობელ (ეხლ. აგზეტიპი) რესპონდენტ აიერსლი ათენისთან** საუბარმა. ჭინჭრობი 75 კომლიანი სოფელია არტაანთან ახლოს. ამჟამად სოფელი ძირითადად თურქებით და ქურთებითაა დასახლებული. ძირითადი საქმიანობა მემინდვრეობა და მესაქონლეობაა. მასპინძელმა **აიერსლი ათენისთან** შეგვიპატიჟა სახლში და აღნიშნა, რომ მისი „წინაპრები საქართველოდან იყვნენ. აქ ყველა საქართველოდანაა მოსული“. მისი თქმით ერთ „ხოჯას“ ეს აღუწერია კიდევ, მაგრამ ჩანაწერები ეხლა დაკარგულია. საინტერესოა, რომ წინაპრებს ისინი ქართველებად თვლიან, საკუთარ თავს კი არა. სამეურნეო კულტურის მაღალი დონეც ქართველებთან თანაცხოვრებით უნდა იყოს განპირობებული (თუმცა ბევრი თავადაც ქართველი იყო).

აღნიშნულ მოსაზრებას ადასტურებს ეთნოგრაფი ნოდარ შოშიტაშვილიც. ის შეხვედრია კიდევ ამ სოფელში ქართული ცნობიერების ცოლ-

ქმარს ისმეთ თოფრუსა და ფათმა ქესქინ თოფრუს. მათი ინფორმაციით სოფელში ქართველების სამი ოჯახი დარჩენილა.



ისმეთ თოფრუ და ფათმა ქესქინ თოფრუ

მათი წინაპრები აქ ფოცხოვიდან გადმოსულან. ჰყავთ სამი შვილი ჰყავთ, რომლებიც ბურსაში ცხოვრობენ (შოშიტაშვილი ნ. 2015:57)

ნიშანდობლივია, რომ აღნიშნულ დასახლებაში დავაფიქსირეთ ტერმინი „კავკასიელი თურქი“. გარკვეული ნაწილი იმ მოსახლეობისა, რომლებიც თავს კავკასიიდან, კერძოდ ახალციხიდან გადსახლებულსად მიიჩნევენ, თავს კავკასიელ თურქად მოიხსენიებს. ქვ. ჭინჭრობელი რესპონდენტები ამტკიცებდნენ, რომ აქ ადრე ქართველებს, მოგვიანებით მაღაკენებსაც („თეთრ რუსებს“) უცხოვრიათო. მაღაკენებს ისინი წესიერ, სამართლიან და შრომისმოყვარე ხალხად ახასიათებენ, რომლებიც 1950-იანი წლებიდან წავიდნენ სოფლიდან, „ქართველები კი არსად არ წასულანო“. კითხვაზე „თუ არსად წასულან, ახლა სადღა არიანო?“ რესპონდენტმა პასუხის გაცემისაგან თავი შეიკავა. როგორც ჩანს, ვერ ბედავენ, ან თავს მიიჩნევენ საქართველოდან გადმოსახლებული თურქული მოდგმის ხალხად. აჭარა მათი წარმოდგენით რუსეთის ნაწილია. იქ მცხოვრებთა ნაწილის კულტურულ მეხსიერებაში რუსების შესახებ ხსოვნა უფრო გამოკვეთილია, ვიდრე სხვა ეთნიკური ჯგუფებისა. მეტყველებაშიც ზოგჯერ რუსულ სიტყვებს ურევენ.

გამოყენებული ლიტერატურა:

1. ადამია ი., ქართული საცხოვრებელი სახლების უძველესი ტიპები აჭარაში, „ძეგლის მეგობარი“, № 12, თბ. 1967;